

前漢書

冊  
三



前漢書卷九十九下

漢 蘭 臺 令 史班 固撰

唐正議大夫行秘書少監琅邪縣開國子顏師古注

王莽傳第六十九下

四年五月莽曰保成師友祭酒唐林故諫議祭酒琅

邪紀逡師古曰逡音千旬反孝弟忠恕敬上愛下博

通舊聞德行醇備至於黃髮靡有愆失師古曰黃髮

盡落更生黃者其封林為建德侯逡為封德侯位皆特進見

禮如三公師古曰朝見之禮賜第一區錢三百萬授几杖焉

六月更授諸侯茅土於明堂曰予制作地理建封五

等考之經藝合之傳記通於義理宋祁曰考之合

通字下當論之思之至於再三自始建國之元以來

九年于茲迺今定矣予親設文石之平陳菁茅四色

之士

也師古曰尚書禹貢苞匭菁茅儒者以為菁菜名也茅古三春茅也而莽此言以菁茅為一物則是

謂善茅為菁茅也土有五音而此云四者中央之土不以封也菁音精

欽告于岱宗泰

社后土先祖先妣以班授之

也師古曰欽敬也班布也

各就厥國

養牧民人用成功業其在緣邊若江南非詔所召遣

侍于帝城者納言掌貨大夫且調都內故錢予其祿

師古曰調謂發取之公歲八十萬侯伯四十萬子男

二十萬然復不能盡得莽好空言慕古法多封爵人

性實遴嗇

師古曰遴讀與吝同

託以地理未定故且先賦茅土

用慰喜封者是歲復明六筦之令每一筦下為設科

條防禁犯者罪至死吏民抵罪者寢眾又一切調上

公以下諸有奴婢者率一口出錢三千六百天下愈

愁盜賊起

○宋祁曰起上當有興字

納言馮常以六筦諫莽大怒

免常官置執法左右刺姦選用能吏侯霸等分督六

尉六隊

師古曰督察也隊音遂

如漢刺史與三公士郡一人從

事臨淮瓜田儀等為盜賊依阻會稽長州

服虔曰姓瓜田名儀

師古曰長州即枚乘所云長州之苑

琅邪女子呂母亦起初呂母子為

縣吏為宰所冤殺

師古曰宰縣令

母散家財以酤酒買兵弩

師古曰酤音姑

陰厚貧窮少年得百餘人遂攻海曲縣殺其

宰以祭子墓引兵入海其眾浸多後皆萬數莽遣使

者即赦盜賊還言盜賊解輒復合問其故皆曰愁法

禁煩苛不得舉手力作所得不足以給貢稅閉門自

守又坐鄰伍鑄錢挾銅姦吏因以愁民民窮悉起為

盜賊莽大怒免之其或順指言民驕黠當誅及言時

運適然且滅不久莽說輒遷之

師古曰說讀曰悅

是歲八月

莽親之南郊鑄作威斗威斗者以五石銅為之

李奇曰

五色藥石及銅為之蘇林曰以五色銅鑿

治之師古曰李說是也若今作鑰石之為

若北斗長

二尺五寸欲以厭勝衆兵音一古曰厭既成令司命負

之莽出在前入在御旁鑄斗日大寒百官人馬有凍

死者五年正月朔北軍南門災以大司馬司允費興

為荊州牧見問到部方略興對曰荆揚之民率依阻

山澤以漁采為業師古曰漁謂捕魚也間者國張六

筦稅山澤妨奪民之利連年久旱百姓饑窮故為盜

賊興到部欲令明曉告盜賊歸田里假貸犂牛種食

師古曰貸音土戴反闊其租賦師古曰闊寬也幾可以解釋安集師古曰幾

讀曰冀莽怒免興官天下吏以不得奉祿並為姦利郡

尹縣宰家累千金莽下詔曰詳考始建國二年胡虜

猾夏以來諸軍吏及緣邊吏大夫以上為姦利增產

致富者收其家所有財產五分之四以助邊急公府

士馳傳天下考覆貪饕師古曰饕音吐高反開吏告其

將奴婢告其主幾以禁姦師曰古曰幾姦愈甚皇孫功

崇公宗坐自畫容貌被服天子衣冠刻印三一曰維

社冠存己夏處南山臧薄冰文穎曰社福祚也冠存

處南山就陰涼也臧薄冰亦以除暑也二曰肅聖寶繼應劭曰莽自謂

敬得天寶龜以三曰德封昌圖蘇林曰宗自言以德

立宗欲繼其緒又宗舅呂寬家前徙合浦私與宗通發覺按驗

宗自殺莽曰宗屬為皇孫爵為上公知寬等叛逆族

類而與交通刻銅印三文意甚害不知厭足窺欲非

望春秋之義君親毋將將而誅焉師曰春秋公羊

牙將為弒逆而誅之故迷惑失道自取此辜烏呼哀

哉宗本名會宗以制作去二名今復名會宗貶厥爵

改厥號賜諡為功崇繆伯以諸侯之禮葬于故同穀

城郡師古曰同者宗所封一同之地宗姊妨為衛將軍王興夫人祝

詛姑殺婢以絕口事發覺莽使中常侍薳惲責問妨

師古曰薳音帶又音徒蓋反并以責興皆自殺事連及司命孔仁

妻亦自殺仁見莽免冠謝莽使尚書劾仁乘乾車駕

坤馬左蒼龍右白虎前朱鳥○宋祁曰鳥當作雀後玄武右杖

威節左負威斗號曰赤星非以驕仁迺以尊新室之

威命也仁擅免天文冠大不敬有詔勿劾更易新冠

其好怪如此師古曰言莽性好為鬼神怪異之事以直道侯王涉為衛

將軍涉者曲陽侯根子也根成帝世為大司馬薦莽

自代莽恩之師古曰懷其舊恩也以為曲陽非令稱師古曰令善也曲陽

之名非善稱也乃追諡根曰直道讓公涉嗣其爵是歲赤眉

力子都樊崇等○劉攽曰力當作刃以饑饉相聚起於琅邪轉

鈔掠眾皆萬數遣使者發郡國兵擊之不能克六年

春莽見盜賊多乃令太史推三萬六千歲歷紀六歲



一改元布天下下書曰紫閣圖曰太一黃帝皆僊上

天仙字古曰僊也張樂崑崙度山之上後世聖主得瑞

者當張樂秦終南山之上服虔云長安南山詩所謂終南故秦地故言秦也

予之不敏奉行未明乃今諭矣復以寧始將軍為更

始將軍以順符命易不云乎日新之謂盛德生生之

謂易李奇曰易道生諸當生者也師古予其饗哉欲

以誑耀百姓銷解盜賊眾皆笑之宋祁曰初獻新笑當作咲

樂於明堂太廟羣臣始冠麟韋之弁李奇曰鹿皮冠或聞其

樂聲曰清厲而哀非興國之聲也是時關東饑旱數

年力子都等黨眾濫多師古曰濫漸也更始將軍廉丹擊益

州不能克徵還更遣復位後大司馬護軍郭興庸部

牧李暉擊蠻夷若豆等太傅羲叔士孫喜清潔江湖

之盜賊而匈奴寇邊甚莽乃大募天下丁男及死罪

囚吏民奴名曰豬突豨勇以為銳卒一切稅天下吏

民訾三十取一縑帛皆輸長安令公卿以下至郡縣

黃綬皆保養軍馬師古曰保者言不許其有死失多少各以秩為差

又博募有奇技術可以攻匈奴者將待以不次之位

言便宜者以萬數或言能度水不用舟楫師古曰楫所以刺舟

也音集其字從木連馬接騎濟百萬師或言不持斗糧服食

藥物三軍不饑或言能飛一日千里可窺匈奴莽輒

試之取大鳥翮為兩翼師古曰羽本曰翮音胡隔反頭與身皆著

毛通引環紐飛數百步墮莽知其不可用苟欲獲其

名皆拜為理軍賜以車馬待發初匈奴右骨都侯須

卜當其妻王昭君女也嘗內附莽遣昭君兄子和親

侯王歛誘呼當至塞下脅將詣長安強立以為須卜

善于後安公師古曰善于者匈奴之號也始欲誘迎

當大司馬嚴尤諫曰當在匈奴右部兵不侵邊單于

動靜輒語中國此方面之大助也于今迎當置長安

橐街一胡人耳師古曰橐街蠻夷館所在也不如在

匈奴有益莽不聽既得當欲遣尤與廉丹擊匈奴皆

賜姓徵氏號二徵將軍當誅單于輿而立當代之師古

曰輿者時見為單于之名出車城西橫廡未發尤素有智略非莽

攻伐四夷數諫不從著古名將樂毅白起不用之意

及言邊事凡三篇奏以風諫莽師古曰風及當出廷

議尤固言匈奴可且以為後先憂山東盜賊莽大怒

乃策尤曰視事四年蠻夷猾夏不能遏絕寇賊姦宄

不能殄滅不畏天威不用詔命兒佞自臧持必不移

師古曰兒佞言其佞見於容貌也臧善也自古貌字也兒佞言其所見不可移易懷執

異心非沮軍議也師古曰沮壞未忍致于理其上大司

馬武建伯印師古曰印之組歸故郡以降符伯董忠為

大司馬翼平連率田況奏郡縣訾民不實師古曰舉百姓貲財

不以實數莽復三十稅一以況忠言憂國進爵為伯賜錢

二百萬眾庶皆詈之晉宋祁曰罵青徐民多弃鄉里流

亡老弱死道路壯者入賊中夙夜連率韓博上言有

奇士長丈大十圍來至臣府曰欲奮擊胡虜自謂巨

毋霸出於蓬萊東南五城西北昭如海瀕師古曰昭如海名也

瀕涯也音賓輶車不能載三馬不能勝即日以大車四

馬建虎旗載霸詣闕霸臥則枕鼓以鐵著食宋祁曰南本

云臥則枕數尺鐵非是此皇天所以輔新室也願陛下作大甲

高車賁育之衣遣大將一人與虎賁百人迎之於道

京師門戶不容者開高大之以視百蠻師古曰視鎮

安天下博意欲以風莽晉灼曰諷言毋得篡盜而霸莽聞惡之留

霸在所新豐師古曰在所謂更其姓曰巨母氏謂因

文母太后而霸王符也師古曰莽字巨君若言文徵

博下獄以非所宜言弃市明年改元曰地皇從三萬

六千歲歷號也地皇元年正月乙未赦天下下書曰

方出軍行師敢有趨謹犯法者輒論斬毋須時師古

謹謂趨走而謹盡歲止師古曰至此於是春夏斬人

都市百姓震懼道路以目二月壬申日正黑莽惡之

下書曰迺者日中見昧陰薄陽黑氣為變宋祁曰

升曰昧字林云日旁作未言昧爽旦明也日闇昧云昧

也當反音百姓莫不驚怪北域大將軍王匡劉奉世

字無理當是北城字衍大字前有遣吏考問上變事

者欲蔽上之明是以適見于天師古曰適音謫謫責

反電以正于理塞大異焉莽見四方盜賊多復欲厭之

師古曰厭音一葉反又下書曰予之皇初祖考黃帝定天下將

兵為上將軍建華蓋立斗獻師古曰獻音義謂斗魁及杓未如勺之形也

內設大將外置大司馬五人大將軍二十五人偏將

軍百二十五人裨將軍千二百五十人校尉萬二千

五百人司馬三萬七千五百人侯十一萬二千五百

人當百二十二萬五千人晉灼曰當亦官名也師古曰當百官名百非其數

士吏四十五萬人士千三百五十萬人晉灼曰自五

皆以五乘之也師古曰晉說非也應協於易弧矢之

利以威天下師古曰易下繫辭曰弦木為弧剡木為

予受符命之文稽前人將條備焉稽考也

於是置前後左右中大司馬之位賜諸州牧

號為大將軍郡卒正連帥大尹為偏將軍屬令長裨

將軍○宋祁曰卒縣宰為校尉乘傳使者經歷郡國

字當作率

日且十輩

師古曰傳音張戀反次下亦同

倉無見穀

師古曰見穀謂見在也

以給

傳車馬不能足

賦取道中車馬

師古曰於道中行者即執取之以充事也

給當屬上句取辦於民七月大風毀王路堂復下書

曰乃壬午晡時有烈風雷雨發屋折木之變

師古曰曰變烈風暴

烈之予甚弁焉予甚栗焉予甚恐焉

師古曰曰弁疾也一曰曰弁撫手也

言驚懼也伏念一旬迷迺解矣

師古曰曰先言迷迺解矣蓋取舜納于

大麓以烈風雷雨昔符命文立安為新遷王

服虔曰安

也遷音仙莽改汝南新蔡曰新遷臨國雒陽為統義

師古曰遷猶僂耳不勞假借音

陽王是時予在攝假謙不敢當而以為公其後金匱

文至議者皆曰臨國雒陽為統謂據土中為新室統

也宜為皇太子自此後臨久病雖瘳不平朝見孳茵

輿行

服虔曰有疾以執茵輿之行也晉灼曰漢儀注

板輿而鋪茵乎對舉茵之四角輿而行何謂板輿乎

前漢書卷九十九下 列傳 七 中華書局聚

見王路堂者張於西廂及後閣更衣中

李奇曰張帳也晉灼曰更

衣中謂朝賀易衣服處室屋名也

又以皇后被疾臨且去本就舍妃

妾在東永巷

妾在東永巷

師古曰言臨侍疾故去其本所居而壬午烈風毀王路西廂及後閣更衣中室昭寧堂池東南榆樹大十圍東僵擊東閣閣即東永巷之西垣也

皆破折瓦壞發屋拔木予甚驚焉又候官奏月犯心

前星厥有占予甚憂之伏念紫閣圖文太一黃帝皆

得瑞以僊後世褻主當登終南山

遷王者乃太一新遷之後也

義陽王乃用五統以禮義登陽上遷之後也臨有兄

而稱太子名不正宣尼公曰名不正則言不順至於

刑罰不中民無錯手足

追諡孔子為

襄成宣尼公惟即位以來陰陽未和風雨不時數遇

追諡孔子為襄成宣尼公



枯旱蝗螟為災穀稼鮮耗百姓苦饑師古曰鮮少也

踐反耗音蠻夷猾夏寇賊姦宄人民正營無所錯手

足師古曰正營惶恐不深惟厥咎在名不正焉其立

安為新遷王臨為統義陽王幾以保全二子師古曰

冀子孫千億外攘四夷內安中國焉是月杜陵便殿

乘輿虎文衣廢臧在室匣中者師古曰匣音狎出自樹立

外堂上師古曰樹豎也良久乃委地吏卒見者以聞莽惡之

下書曰寶黃廝赤服虔曰以黃為寶自用其行氣也

其令郎從官皆衣絳望氣為數者多言有土功象莽

又見四方盜賊多欲視為自安能建萬世之基者師古

音視乃下書曰予受命遭陽九之厄百六之會府帑

空虛百姓匱乏宗廟未修且祫祭於明堂太廟夙夜

永念非敢寧息深惟吉昌莫良於今年予乃卜波水

之北郎池之南惟玉食劉德曰長安南也晉灼曰黃圖波郎二水名也在甘泉苑

中師古曰晉說非也黃圖有西波池即池皆在石城南上林中玉食謂龜為玉兆之文而墨食也波音彼

反予又卜金水之南明堂之西亦惟玉食予將親築

焉於是遂營長安城南師古曰蓋所謂金水之南明堂之西提封百頃

九月甲申莽立載行視乘師古曰立載謂更立而親舉築乘車也行音下

三下司徒王尋大司空王邑持節及侍中常侍執法

杜林等數十人將作師古曰將領築作之人崔發張邯說莽曰

德盛者文縟師古曰文禮文也縟繁也音辱宜崇其制度宣視海內

師古曰視讀曰示且令萬世之後無以復加也莽乃博徵天

下工匠諸圖畫以望法度算及吏民以義入錢穀助

作者駱驛道路師古曰駱驛言不絕壞徹城西苑中建章承光

包陽大臺儲元宮及平樂當路陽祿館凡十餘所師古

曰自建章以下至陽祿皆上林苑中館取其材瓦以劉敞曰建章與宮同名疑當是字悞

起九廟是月大雨六十餘日令民入米六百斛為郎

其郎吏增秩賜爵至附城九廟一曰黃帝太初祖廟

二曰帝虞始祖昭廟三曰陳胡王統祖穆廟四曰齊

敬王世祖昭廟五曰濟北愍王王祖穆廟凡五廟不

墮云師古曰墮毀也音火規反六曰濟南伯王尊禰昭廟七曰元

城孺王尊禰穆廟八曰陽平頃王戚禰昭廟九曰新

都顯王戚禰穆廟殿皆重屋太初祖廟東西南北各

四十丈高十七丈餘廟半之為銅薄櫨師古曰薄櫨柱上枹即今

所謂櫨也音盧飾以金銀瑠文師古曰瑠字與彫同窮極百工之巧

帶高增下師古曰本因高地而建立之其旁功費數

百鉅萬卒徒死者萬數鉅鹿男子馬適求等謀舉燕

趙兵以誅莽師古曰馬適姓也求名也大司空士王丹發覺以聞

莽遣三公大夫逮治黨與師古曰逮逮捕也連及郡國

豪傑數千人皆誅死封丹為輔國侯自莽為不順時

令百姓怨恨莽猶安之又下書曰惟設此壹切之法

以來常安六鄉巨邑之都枹鼓稀鳴盜賊衰少師古曰巨

大也枹所以擊鼓者也音孚其字從木百姓安土歲以有年此乃立權

之力也今胡虜未滅誅蠻獠未絕焚江湖海澤麻沸

盜賊未盡破殄師古曰麻沸言如亂麻而沸涌又興奉宗廟社稷之

大作民衆動搖今復壹切行此令盡二年止之以全

元元救愚姦是歲罷大小錢更行貨布長二寸五分

廣一寸直貨錢二十五貨錢徑一寸重五銖枚直一

兩品竝行敢盜鑄錢及偏行布貨伍人知不發舉皆

沒入為官奴婢師古曰伍人同伍之人若今伍保者也○宋祁曰淳化本景本入字下有

官字太傅平晏死以予虞唐尊為太傅尊曰國虛民貧

咎在奢泰乃身短衣小褻乘牝馬柴車師古曰柴車車即棧車藉

橐瓦器

師古曰藉橐去蒲藟也瓦器以瓦為食器

又以歷遺公卿

師古曰

盛食遺公卿也

出見男女不異路者尊自下車以象刑赭幡

汗染其衣

師古曰赭幡以赭汁漬中幡

莽聞而說之

師古曰說下

詔申敕公卿思與厥齊

師古曰論語稱孔子曰與尊同此操行也

莽云然

封尊為平化侯是時南郡張霸江夏羊牧王匡

等起雲杜綠林號曰下江兵

晉灼曰本起江夏雲杜縣後分西上入南郡屯

藍田故號下江兵也

衆皆萬餘人武功中水鄉民三舍塾為池

師古曰塾陷也音丁念反

二年正月以州牧位三公刺舉怠解

師古曰解讀

更置牧監副秩元士冠法冠行事如漢刺史

是月莽妻死謚曰孝睦皇后葬涓陵長壽園西令永

侍文母名陵曰億年初莽妻以莽數殺其子涕泣失

明莽令太子臨居中養焉莽妻旁侍者原碧莽幸之

後臨亦通焉恐事泄謀共殺莽臨妻愔國師公女

一日惜音能為星語臨宮中旦有白衣會臨喜以為所

謀且成後貶為統義陽王出在外第愈憂恐會莽妻

病困臨予書曰上於子孫至嚴前長孫中孫年俱三

十而死師古曰中今臣臨復適三十誠恐一旦不保

中室則不知死命所在李奇曰中室臨之母也晉灼

說皆非也中室室中也臨自言莽候妻疾見其書大

怒疑臨有惡意不令得會喪既葬收原碧等考問具

服姦謀殺狀莽欲祕之使殺案事使者司命從事埋

獄中家不知所在賜臨藥臨不肯飲自刺死使侍中

票騎將軍同說侯林賜魂衣璽韍師古曰說策書曰

符命文立臨為統義陽王此言新室即位三萬六千

歲後為臨之後者乃當龍陽而起前過聽議者以臨

為太子有烈風之變輒順符命立為統義陽王在此

之前自此之後不作信順弗蒙厥佑天年隕命嗚呼  
哀哉迹行賜諡諡曰繆王又詔國師公臨本不知星  
事從愔起愔亦自殺是月新遷王安病死初莽為侯  
就國時幸侍者增秩懷能開明懷能生男興增秩生  
男匡女皐開明生女捷皆留新都國以其不明故也

師古曰言侍者或與外人私通所生子女不可分明也及安疾甚莽自病無子

為安作奏使上言興等母雖微賤屬猶皇子不可以

棄章視羣公師古曰視讀示以皆曰安友于兄弟

善兄第曰友愛也宜及春夏加封爵於是王車遣使

者迎興等封興為功修公匡為功建公皐為睦修任

捷為睦逮任孫公明公壽病死旬月四喪焉莽壞漢

孝武孝昭廟分葬子孫其中魏成大尹李焉與卜者

王況謀況謂焉曰新室即位以來民田奴婢不得賣

買數改錢貨徵發煩數軍旅騷動四夷竝侵百姓怨

恨盜賊竝起漢家當復興君姓李李音徵徵火也師古

竹里反音當為漢輔因為焉作讖書言文帝發忿居地

下趣軍北告匈奴南告越人讀師古曰促江中劉信執

敵報怨復續古先四年當發軍江湖有盜自稱樊王

姓為劉氏萬人成行音師古曰行不受赦令欲動秦維

陽十一年當相攻太白揚光歲星入東并其號當行

謂師古曰號又言莽大臣吉凶各有日期會合十餘萬

言焉令吏寫其書吏亡告之莽遣使者即捕焉獄治

皆死三輔盜賊麻起者師古曰言起乃置捕盜都尉官

令執法謁者追擊長安中建鳴鼓攻賊幡而使者隨

其後遣太師羲仲景尚更始將軍護軍王黨將兵擊

青徐國師和仲曹放助郭興擊句町轉天下穀幣詣



西河五原朔方漁陽每一郡以百萬數欲以擊匈奴

秋隕霜殺菽關東大饑蝗民犯鑄錢伍人相坐沒入

為官奴婢其男子檻車兒女子步以鐵鎖琅當其頸

傳詣鍾官以十萬數師古曰琅當長鑱也到者易其

夫婦師古曰改相配也愁苦死者什六七孫熹景尚曹

放等擊賊不能克軍師放縱百姓重困師古曰重音直用反莽

以王況讖言荆楚當興李氏為輔欲厭之師古曰厭音一葉反

迺拜侍中掌牧大夫李琴為大將軍揚州牧賜名聖

師古曰改其舊名以使將兵奮擊上谷儲夏自請願

說瓜田儀服虔曰儲夏人姓名也莽以為中郎使出

儀師古曰說儀文降未出而死師古曰上文書莽求

其尸葬之為起冢祠室諡曰瓜寧殤男幾以招來其

餘師古曰幾然無肯降者閏月丙辰大赦天下天下

大服民私服在詔書前亦釋除

張晏曰莽妻本以此歲死天下大服也私

服自喪其親皆除之

郎陽成脩獻符命言繼立民母又曰黃帝

以百二十女致神僊莽於是遣中散大夫謁者各四

十五人分行天下

師古曰行音下更反

博采鄉里所高有淑女

者上名莽夢長樂宮銅人五枚起立莽惡之念銅人

銘有皇帝初兼天下之文即使尚方工鑄滅所夢銅

人膺文

師古曰鑄也音子全反

又感漢高廟神靈

師古曰謂遣夢見譴責

虎賁武士入高廟拔劍四面提擊

師古曰提擊也音徒計反斧壞

戶牖

師古曰以斧斫壞之

桃湯赭鞭灑屋壁

師古曰桃湯灑之赭鞭鞭之也

赭赤也

令輕車校尉居其中又令中軍北壘居高寢

師古

曰徒北軍壘之兵士也於高廟寢中屯居也

或言黃帝時建華蓋以登僊莽

乃造華蓋九重高一丈一尺金瑤羽葆

師古曰瑤讀曰爪謂蓋弓

頭為爪形

載以祕機四輪車

服虔曰蓋高八丈其杠皆屈膝可上下屈伸也師古曰

言潛為機關不使外見故曰秘機也使駕六馬力士三百人黃衣幘車上

人擊鼓輓者皆呼登仙莽出令在前百官竊言此似

輜車非僂物也師古曰輜車音而是歲南郡秦豐眾且萬

人平原女子遲昭平能說經博以八投服虔曰博奕經以八箭投

之亦聚數千人在河阻中莽召問羣臣禽賊方略皆

曰此天囚行尸命在漏刻故左將軍公孫祿徵來與

議師古曰與讀曰豫祿曰太史令宗宣典星歷候氣變以凶

為吉亂天文誤朝廷太傅平化侯飾虛偽以媮各位

賊夫人之子師古曰論語稱子路使子羔為費宰孔子曰

宰邑所以賊害也故祿引此而言國師嘉信公顛倒

五經毀師法令學士疑惑明學男張邛地理侯孫陽

造井田使民棄土業羲和魯匡設六筦以窮工商說

符侯崔發阿諛取容令下情不上通宜誅此數子以

慰天下又言匈奴不可攻當與和親臣恐新室憂不

在匈奴而在封域之中也莽怒使虎賁扶祿出然頗

采其言左遷魯匡為五原卒正以百姓怨非故六筦

非匡所獨造莽厭眾意而出之師古曰厭滿也音一初四方

皆以饑寒窮愁起為盜賊稍稍羣聚常思歲孰得歸

鄉里眾雖萬數亶稱巨人從事三老祭酒師古曰亶讀曰但言

不為大號不敢略有城邑轉掠求食日闕而已師古曰闕也隨日

而盡也闕音空穴反諸長吏牧守皆自亂鬪中兵而死師古曰中傷也

賊非敢欲殺之也而莽終不諭其故師古曰曉此意也是歲

大司馬士按章豫州師古曰有上章相告者就而按治之為賊所獲賊

送付縣士還上書具言狀莽大怒下獄以為誣罔因

下書責七公曰夫吏者理也宣德明恩以牧養民仁

之道也抑強督姦捕誅盜賊義之節也師古曰督謂察視也今

則不然盜發不輒得至成羣黨遮略乘傳宰士師古曰傳

音張士得脫者又妄自言我責數賊何故為是師古曰數

音所具反賊曰以貧窮故耳賊護出我今俗人議者率多

若此惟貧困饑寒犯法為非大者羣盜小者偷穴不

過二科師古曰穴謂穿牆為盜也今乃結謀連黨以千百數是逆

亂之大者豈饑寒之謂邪七公其嚴敕卿大夫卒正

連率庶尹謹牧養善民急捕殄盜賊有不同心并力

疾惡黜賊而妄曰饑寒所為輒捕繫請其罪於是羣

下愈恐莫敢言賊情者亦不得擅發兵賊由是遂不

制唯翼平連率田況素果敢發民年十八以上四萬

餘人授以庫兵與刻石為約赤糜聞之不敢入界師古

曰糜眉也以朱塗眉故曰赤眉古字通用況自劾奏莽讓況師古曰讓責也未賜

虎符而擅發兵此弄兵也厥辜乏興師古曰擅發之罪與乏軍興同

也科以况自詭必禽滅賊故且勿治師古曰詭責也後

况自請出界擊賊所嚮皆破莽以璽書令况領青徐

二州牧事况上言盜賊始發其原甚微非部吏伍人

所能禽也咎在長吏不為意縣欺其郡郡欺朝廷實

百言十實千言百朝廷忽略不輒督責遂至延曼連

州師古曰延音弋乃遣將率多發使者傳相監趣古師

日趣讀郡縣力事上官應塞詰對師古曰力勤共酒

食具資用以救斷斬師古曰交懼斬死之刑也共讀

也刑不給復憂盜賊治官事師古曰給暇也將率又不能躬率

吏士戰則為賊所破吏氣寢傷徒費百姓師古曰前

幸蒙赦令賊欲解散或反遮擊恐入山谷轉相告語

故郡縣降賊皆更驚駭恐見詐滅因饑饉易動旬日

之間更十餘萬人此盜賊所以多之故也今雒陽以

東米石二千竊見詔書欲遣太師更始將軍二人爪  
牙重臣多從人衆道上空竭少則亡以威視遠方古師

曰視讀

宜急選牧尹以下明其賞罰收合離鄉小國

無城郭者徙其老弱置大城中積臧穀食并力固守

賊來攻城則不能下所過無食執不得羣聚如此招

之必降擊之則滅今空復多出將率郡縣苦之反甚

於賊宜盡徵還乘傳諸使者以休息郡縣委任臣況

以二州盜賊必平定之莽畏惡況陰為發代遣使者

賜況璽書使者至見況因令代監其兵況隨使者西

到拜為師尉大夫況去齊地遂敗三年正月九廟蓋

構成納神主莽謁見大駕乘六馬以五采毛為龍文

衣著角長三尺師古曰以華蓋車元戎十乘在前因

賜治廟者司徒大司空錢各千萬侍中中常侍以下

皆封封都匠仇延為邯淡里附城師古曰都匠大匠也邯音胡敢反淡

音大敢反豐盛之意二月霸橋災數千人以水沃救不滅莽惡

之下書曰夫三皇象春五帝象夏三王象秋五伯象

冬皇王德運也伯者繼空續乏以成歷數故其道駁

師古曰伯惟常安御道多以所近為名迺二月癸巳

之夜甲午之辰火燒霸橋從東方西行至甲午夕橋

盡火滅大司空行視考問或云寒民舍居橋下師古

也止宿疑以火自燎為此災也師古曰燎謂其明日即

乙未立春之日也予以神明聖祖黃虞遺統受命至

于地皇四年為十五年正以三年終冬絕滅霸駁之

橋欲以興成新室統壹長存之道也又戒此橋空東

方之道今東方歲荒民饑道路不通東岳太師亟科

條師古曰開東方諸倉賑貸窮乏以施仁道其更名



霸館爲長存館霸橋爲長存橋是月赤眉殺太師羲

仲景尙關東人相食四月遣太師王匡更始將軍廉

丹東師古曰東謂東出也祖都門外師古曰祖道送匡丹都門外天大雨霑

衣上長老歎曰是謂泣軍莽曰惟陽九之阨與害氣

會究于去年枯旱霜蝗饑饉薦臻師古曰薦讀日荐荐仍也百姓

困乏流離道路於春尤甚予甚悼之今使東岳太師

特進襄新侯開東方諸倉賑貸窮乏太師公所不過

道分遣大夫謁者並開諸倉以全元元太師公因與

廉丹大使五威司命位右大司馬更始將軍平均侯

之兗州填撫所掌師古曰之往也填音竹刃反及青徐故不軌盜

賊未盡解散後復屯聚者皆清潔之期於安北黎矣

師古曰黎庶也太師更始合將銳士十餘萬人所過放縱東

方爲之語曰寧逢赤眉不逢太師太師尙可更始殺

我卒如田況之言莽又多遣大夫謁者分教民煮草

木為酪酪不可食重為煩費音直用反莽下書曰惟

民困乏雖溥開諸倉以賑贍之猶恐未足其且開天

下山澤之防諸能采取山澤之物而順月令者其恣

聽之勿令出稅至地皇三十年如故是王光上戊之

六年也莽孟康曰戊土也如令豪吏猾民辜而擢之小

民弗蒙非予意也師古曰辜擢謂獨專其利也易不云

乎損上益下民說无疆師古曰益卦象辭也言損上

書云言之不從是謂不艾師古曰艾讀曰刈又治也咨虜羣

公可不憂哉師古曰咨者嘆息之言是時下江兵盛新市朱鮪

平林陳牧等皆復聚眾攻擊鄉聚莽遣司命大將軍

孔仁部豫州納言大將軍嚴尤秩宗大將軍陳茂擊

荊州各從吏士百餘人乘舡從渭入河宋祁曰越本士作七舡

船當作至華陰迺出乘傳到部募士尤謂茂曰遣將不

與兵符必先請而後動是猶繼韓盧而責之獲也師古

曰繼繫也韓盧古韓國之名犬也黑色曰盧夏蝗從東方來蜚蔽天師古曰蜚

字古飛至長安入未央宮緣殿閣莽發吏民設購賞捕

擊莽以天下穀貴欲厭之師古曰厭音一葉反為大倉置衛交

戟名曰政始掖門流民入關者數十萬人迺置養贍

官稟食之師古曰稟給也食讀曰飲使者監領與小吏共盜其稟

饑死者十七八先是莽使中黃門王業領長安市買

賤取於民民甚患之業以省費為功賜爵附城莽聞

城中饑饉以問業業曰皆流民也乃市所賣梁飴肉

羹持入視莽師古曰視讀曰示曰居民食咸如此莽信之冬

無鹽索盧恢等舉兵反城師古曰索盧姓也恢名也反城據城以反也一曰反

音幡今語賊猶曰廉丹王匡攻拔之斬首萬餘級莽

前漢書卷九十九下列傳七中華書局聚

遣中郎將奉璽書勞丹匡進爵為公封吏士有功者

十餘人赤眉別校董憲等眾數萬人在梁郡王匡欲

進擊之廉丹以為新拔城罷勞師古曰罷讀曰疲當且休士

養威匡不聽引兵獨進丹隨之合戰成昌師古曰成昌地名也

兵敗匡走丹使吏持其印鞞符節付匡曰小兒可走

吾不可遂止戰死校尉汝雲王隆等二十餘人別鬪

聞之皆曰廉公已死吾誰為生馳犇賊皆戰死師古曰犇

古奔字也莽傷之下書曰惟公多擁選士精兵眾郡駿馬

倉穀帑藏皆得自調師古曰謂發取也音徒鈞反忽於詔策離其

威節騎馬呵譟師古曰忽謂怠忘也音先也為狂刃所害烏

呼哀哉賜諡曰果公國將哀章謂莽曰皇祖考黃帝

之時中黃直為將破殺蚩尤今臣居中黃直之位願

平山東莽遣章馳東與太師匡并力又遣大將軍陽

浚守敖倉司徒王尋將十餘萬屯雒陽填南宮師古曰填

音竹反大司馬董忠養士習射中軍北壘大司空王邑

兼三公之職司徒尋初發長安宿霸昌廐師古曰霸昌觀之廐

也三輔黃圖曰在城外也亡其黃鉞尋士房揚素狂直迺哭曰此

經所謂喪其齊斧者也應劭曰齊利也亡其利斧言無以復斷斬也師古曰此易

巽卦上九爻辭自劾去莽擊殺揚四方盜賊往往數萬人攻

城邑殺二千石以下太師王匡等戰數不利莽知天

下潰畔事窮計迫迺議遣風俗大夫司國憲等分行

天下音師古曰行更反除井田奴婢山澤六筦之禁即位以

來詔令不便於民者皆收還之待見未發會世祖與

兄齊武王伯升宛人李通等師古曰世祖謂光武皇帝帥舂陵子

弟數千人招致新市平林朱鮪陳牧等合攻拔棘陽

是時嚴尤陳茂破下江兵成丹王常等數千人別走

入南陽界十一月有星孛于張東南行五日不見莽  
數召問太史令宗宣諸術數家皆繆對言天文安善  
羣賊且滅莽差以自安四年正月漢兵得下江王常  
等以為助兵擊前隊大夫甄阜屬正梁丘賜皆斬之  
殺其眾數萬人初京師聞青徐賊眾數十萬人訖無  
文號旌旗表識師古曰文謂文章號謂大位號也一  
曰號謂號令也識讀與幟同音式志

反咸怪異之好事者竊言此豈如古三皇無文書號

諡邪師古曰欲其事成故云然也莽亦心怪以問羣臣羣臣莫對

唯嚴尤曰此不足怪也自黃帝湯武行師必待部曲

旌旗號令今此無有者直饑寒羣盜犬羊相聚不知

為之耳莽大說師古曰說讀曰悅羣臣盡服及後漢兵劉伯

升起皆稱將軍攻城略地既殺甄阜移書稱說莽聞

之憂懼漢兵乘勝遂圍宛城初世祖族兄聖公先在

平林兵中三月辛巳朔平林新市下江兵將王常朱

鮪等共立聖公為帝改年為更始元年拜置百官莽

聞之愈恐欲外視自安師古曰視迺染其須髮進所

徵天下淑女杜陵史氏女為皇后聘黃金三萬斤車

馬奴婢雜帛珍寶以巨萬計莽親迎於前殿兩階間

成同牢之禮于上西堂備和嬪美御和人三位視公

嬪人九視卿美人二十七視大夫御人八十一視元

士凡百二十人皆佩印鞞執弓鞞師古曰禮記月令

之日以太牢祠于高禘天子親往后妃率九嬪御乃

禮天子所御帶以弓鞞授以弓矢于高禘之前鞞弓

衣也帶之者求男子之祥也故葬依放之焉鞞音獨封皇后父謹為和平侯拜

為寧始將軍謹子二人皆侍中是日大風發屋折木

羣臣上壽曰迺庚子雨水灑道辛丑清靚無塵師古

即靜其夕穀風迅疾從東北來師古曰穀風辛丑巽之

前漢書卷九十九下列傳九一中華書局聚

宮日也巽為風為順后誼明母道得溫和慈惠之化

也易曰受茲介福于其王母也介古曰晉卦六二爻禮

曰承天之慶萬福無疆之師古曰禮諸欲依廢漢火劉

皆沃灌雪除殄滅無餘雜矣百穀豐茂庶草蕃殖古師

殖曰蕃滋也元元驩喜兆民賴福天下幸甚莽日與方

士涿郡昭君等於後宮考驗方術縱淫樂焉大赦天

下然猶曰故漢氏春陵侯羣子劉伯升與其族人婚

姻黨與妄流言惑眾悖畔天命乃手害更始將軍廉

丹前隊大夫甄阜屬正梁丘賜及北狄胡虜逆與洎

南棘虜若豆孟遷不用此書也師古曰與匈奴單于名

遷棘之名也言伯升已下孟有能捕得此人者皆封為

上公食邑萬戶賜寶貨五千萬又詔太師王匡國將

哀章司命孔仁兗州牧壽良卒正王閔揚州牧李聖



亟進所部州郡兵亟古曰凡三十萬衆迫措青徐盜

賊音師古曰措讀與窄同納言將軍嚴尤秩宗將軍陳

茂車騎將軍王巡宋祁曰車騎監本作車馬劉奉

尤茂前云大將軍此云將軍左隊大夫王吳亟進所

部州郡兵凡十萬衆迫措前隊醜虜明告以生活丹

青之信師古曰生活謂來降者不殺復迷惑不解散

皆并力合擊殄滅之矣大司空隆新公宗室戚屬前

以虎牙將軍東指則反虜破壞西擊則逆賊靡碎師古

音曰靡散也此迺新室威寶之臣也如黠賊不解散將

遣大司空將百萬之師征伐剽絕之矣師古曰剽截

遣七公幹士隗囂等七十二人分下赦令曉諭云囂

等既出因逃亡矣四月世祖與王常等別攻潁川下

昆陽鄧定陵師古曰三縣之名莽聞之愈恐遣大司

空王邑馳傳之雒陽師古曰傳音張戀反與司徒王尋發眾郡

兵百萬號曰虎牙五威兵平定山東得顓封爵政決

於邑除用徵諸明兵法六十三家術者各持圖書受

器械備軍吏傾府庫以遣邑多齎珍寶猛獸欲視饒

富用怖山東師古曰視讀曰示邑至雒陽州郡各選精兵牧

守自將定會者四十二萬人餘在道不絕車甲士馬

之盛自古出師未嘗有也六月邑與司徒尋發雒陽

欲至宛道出潁川過昆陽昆陽時已降漢漢兵守之

嚴尤陳茂與二公會二公縱兵圍昆陽嚴尤曰稱尊

號者在宛下宜亟進師古曰亟急也彼破諸城自定矣邑曰

百萬之師所過當滅今屠此城喋血而進師古曰前音喋

歌後舞顧不快邪遂圍城數十重城中請降不許嚴

尤又曰歸師勿遏圍城為之闕師古曰此兵法之言也

可如兵法使得逸出以怖宛下邑又不聽會世祖悉

發鄴定陵兵數千人來救昆陽尋邑易之師古曰輕易之也易

音亦自將萬餘人行陳師古曰巡行軍陳也行音下更反敕諸營皆

按部毋得動獨迎與漢兵戰不利大軍不敢擅相救

漢兵乘勝殺尋昆陽中兵出竝戰邑走軍亂大風蜚

瓦師古曰蜚古飛字雨如注水大衆崩壞號譁師古曰譁音火故反虎

豹股栗師古曰言戰懼甚士卒犇走各還歸其郡邑獨與所

將長安勇敢數千人還雒陽關中聞之震恐盜賊竝

起又聞漢兵言莽鳩殺孝平帝莽迺會公卿以下於

王路堂開所為平帝請命金滕之策泣以視羣臣師古

曰視讀示命明學男張邯稱說其德及符命事因曰易

言伏戎于莽升其高陵三歲不興師古曰同入卦九三爻辭也莽平草

也言伏兵戎於草莽之中升高陵而莽皇帝之名升

望不敢前進至于三歲不能起也

謂劉伯升高陵謂高陵侯子翟義也言劉升翟義為  
 伏戎之兵於新皇帝世猶殄滅不興也羣臣皆稱萬  
 歲又令東方檻車傳送數人言劉伯升等皆行大戮  
 民知其詐也先是衛將軍王涉素養道士西門君惠  
 君惠好天文讖記為涉言星孛掃宮室劉氏當復興  
 國師公姓名是也涉信其言以語大司馬董忠數俱  
 至國師殿中廬道語星宿師古曰廬者宿止國師不  
 應後涉特往對敵涕泣言誠欲與公共安宗族師古曰誠  
 實也○宋祁曰柰何不信涉也敵因為言天文人事  
 族字或作姓曰新都哀侯小被病功顯君素著酒師古  
 東方必成涉曰新都哀侯小被病功顯君素著酒師古  
 曰者讀疑帝本非我家子也如淳曰言莽母洛薄嗜  
 曰嗜疑帝本非我家子也酒淫逸得莽耳非王氏  
 以也設此詐欲董公主中軍精兵涉領宮衛伊休侯  
 主殿中如同心合謀共劫持帝東降南陽天子可以

全宗族不者俱夷滅矣伊休侯者歆長子也爲侍中  
五官中郎將莽素愛之歆怨莽殺其三子又畏大禍  
至遂與涉忠謀欲發歆曰當待太白星出迺可忠以  
司中大贅起武侯孫伋亦主兵復與伋謀伋歸家顏  
色變不能食妻怪問之語其狀妻以告弟雲陽陳邯  
邯欲告之七月伋與邯俱告莽遣使者分召忠等時  
忠方講兵都肄師古曰肄習也大習兵也肄音亦二反護軍王咸謂忠  
謀久不發恐漏泄不如遂斬使者勒兵入忠不聽遂  
與歆涉會省戶下莽令釐惲責問皆服中黃門各拔  
刃將忠等送廬忠拔劍欲自刎侍中王望傳言大司  
馬反黃門持劍共格殺之省中相驚傳勒兵至郎署  
皆拔刃張弓更始將軍史諶行諸署師古曰行音下更反劉奉世

寧始未知孰誤  
曰或言更始或言

告郎吏曰大司馬有狂病發已誅

皆令弛兵師古曰弛放也莽欲以厭凶師古曰厭當也音一葉反使虎賁

以斬馬劍挫忠師古曰挫讀曰挫音于臥反盛以竹器傳曰反虜

出下書赦大司馬官屬吏士為忠所誣誤謀反未發

覺者收忠宗族以醇醢毒藥尺白刃叢棘并一坎而

埋之劉歆王涉皆自殺莽以二人骨肉舊臣惡其內

潰師古曰王涉骨也劉歆舊臣故隱其誅伊休侯疊又以素謹歆

訖不告師古曰竟不以所謀告之歆但免侍中中郎將更為

中散大夫後日殿中鉤盾土山僊人掌旁有白頭公

青衣鄭氏曰僊人掌承承露盤也郎吏見者私謂之國師公衍功

侯喜素善卦莽使筮之曰憂兵火莽曰小兒安得此

左道是迺予之皇祖叔父子僑欲來迎我也莽軍師

外破大臣內畔左右亡所信不能復遠念郡國欲譁

邑與計議師古曰譁古呼字崔發曰邑素小心今失大眾而

徵恐其執節引決宜有以大慰其意於是莽遣發馳

傳諭邑師古曰謂諭告之傳音張戀反我年老無適子師古曰適讀曰嫡欲

傳邑以天下敕亡得謝見勿復道邑到以為大司馬

大長秋張邛為大司徒崔發為大司空司中壽容苗

訢為國師同說侯林為衛將軍莽憂懣不能食師古曰懣

音滿又音悶亶飲酒嚼鮓魚師古曰亶音但下亦類此鮓海魚也音電讀軍書

倦因馮几寐不復就枕矣師古曰馮讀曰憑○宋祁曰枕字當作次性好

時日小數及事迫急亶為厭勝遣使壞渭陵延陵園

門罟罟曰毋使民復思也又以墨洿色其周垣師古曰洿

染之變其舊色也洿音一故反號將至曰歲宿申水為助將軍右庚

刻木校尉前丙耀金都尉又曰執大斧伐枯木流大

水滅發火如此屬不可勝記秋太白星流入太微燭

地如月光成紀隗崔兄弟共劫大尹李育師古曰成紀隴西之

縣以兄子隗囂為大將軍攻殺雍州牧陳慶安定卒

正王旬并其眾移書郡縣數莽罪惡萬於桀紂是月

析人鄧曄于匡起兵南鄉百餘人縣南鄉析縣之鄉

名析音先歷反時析宰將兵數千屯鄠亭備武關音口堯反

曄匡謂宰曰劉帝已立君何不知命也宰請降盡得

其眾曄自稱輔漢左將軍匡右將軍拔析丹水攻武

關都尉朱萌降進攻右隊大夫宋綱殺之西拔湖師古

曰湖弘農之縣也本屬京兆莽愈憂不知所出崔發言周禮及春

秋左氏國有大災則哭以獸之師古曰周禮春官之

邦之大災歌哭而請哭者所以告哀也春秋左氏傳

宣十二年楚子圍鄭旬有七日鄭人卜行成不吉卜

皆哭故發引之以為言也厭音一葉反故易稱先

號咷而後笑辭號咷哭也咷音逃宜呼嗟告天以求

救莽自知敗迺率羣臣至南郊陳其符命本末仰天



曰皇天既命授臣莽何不殄滅衆賊即令臣莽非是

願下雷霆誅臣莽因搏心大哭氣盡伏而叩頭又作

告天策自陳功勞千餘言諸生小民會旦夕哭為設

殮粥師古曰殮反甚悲哀及能誦策文者除以為

郎至五千餘人薳暉將領之莽拜將軍九人皆以虎

為號號曰九虎將北軍精兵數萬人東內其妻子宮

中以為質時省中黃金萬斤者為一匱尚有六十匱

黃門鉤盾臧府中尚方處處各有數匱長樂御府中

御府及都內平準帑臧錢帛珠玉財物甚衆師古曰御府有

令丞少府之屬官也掌珍物中御府者皇后之莽愈

愛之賜九虎士人四千錢衆重怨無鬪意九虎至華

陰回谿距隘北從河南至山于匡持數千弩乘堆挑

戰鄧曄將二萬餘人從闕鄉南山棗街作姑師古曰

也聞同作姑邪道所由也韋昭曰闕音旻破其一部北出九虎後擊之六

虎敗走史熊王況詣闕歸死莽使使責死者安在皆

自殺其四虎亡師古曰六人敗走二三人三虎郭欽陳翬

成重收散卒保京師倉師古曰九人之中人六人敗走三人保倉也京師倉在華陰

也灌北渭口也鄧曄開武關迎漢丞相司直李松將二千

餘人至湖與曄等共攻京師倉未下曄以弘農掾王

憲為校尉將數百人北度渭入左馮翊界降城略地

李松遣偏將軍韓臣等徑西至新豐與莽波水將軍

戰波水走韓臣等追奔遂至長門宮王憲北至頻陽

所過迎降師古曰所至之處人皆來迎而降附也大姓櫟陽申錫下邳

王大皆率眾隨憲屬縣釐嚴春師古曰屬縣三輔諸縣也釐屬右扶風釐

讀與郤同其人姓嚴名春茂陵董喜藍田王孟槐里汝臣盩厔王

扶陽陵嚴本杜陵屠門少之屬屠門名少眾皆數千

人假號稱漢將時李松鄧曄以爲京師小小倉尙未  
可下何況長安城當須更始帝大兵到卽引軍至華  
陰治攻具而長安旁兵四會城下聞天水隗氏兵方  
到皆爭欲先入城貪立大功鹵掠之利莽遣使者分  
赦城中諸獄囚徒皆授兵殺豨飲其血與誓曰有不  
爲新室者社鬼記之更始將軍史譔將度渭橋皆散  
走譔空還衆兵發掘莽妻子父祖冢燒其棺槨及九  
廟明堂辟雍火照城中或謂莽曰城門卒東方人不  
可信莽更發越騎士爲衛門置六百人各一校尉十  
月戊申朔兵從宣平城門入民間所謂都門也師古曰長  
安城東出北張邴行城門逢兵見殺師古曰行王邑  
頭第一門

力戰者七百餘人

師古曰獲莽當得

會日暮官府邸

第盡犇亡二日己酉城中少年朱弟張魚等恐見鹵

掠趨謹並和師古曰衆羣行謹而自燒作室門斧敬

法闡師古曰謂斧斫之名也諱曰反虜王莽何不出

降師古曰講音火火及掖庭承明黃皇室主所居也

莽避火宣室前殿火輒隨之宮人婦女謔諱曰當奈

何時莽紺衲服師古曰詭古啼字也紺深青而揚赤

反式旬帶璽韍持虞帝七首天文郎按杖於前師古曰

占時曰天文郎今日時加某莽旋席隨斗柄而坐曰

天生德於予漢兵其如予何師古曰論語稱孔子曰

予何故莽引莽時不食少氣困矣三日庚戌晨旦明

羣臣扶掖莽自前殿南下椒除服虔曰邪行闕道下

之道也椒取西出白虎門和新公王揖奉車待門外

莽就車之漸臺欲阻池水猶抱持符命威斗公卿大

夫侍中黃門郎從官尚千餘人隨之王邑晝夜戰罷

極師古曰罷讀曰疲

士死傷略盡馳入宮間關至漸臺師古曰間

關猶言崎嶇展轉也

見其子侍中睦解衣冠欲逃邑叱之令還

父子共守莽軍人入殿中諱曰反虜王莽安在有美

人出房曰在漸臺衆兵追之圍數百重臺上亦弓弩

與相射稍稍落去矢盡無以復射短兵接王邑父子

夔憚王巡戰死莽入室下晡時衆兵上臺王揖趙博

苗訢唐尊王盛中常侍王參等皆死臺上商人杜吳

殺莽取其綬校尉東海公賓就故大行治禮師古曰公賓姓

也就名也以先經洽禮故識天子綬也

見吳問綬主所在曰室中西北

陬間師古曰陬間子侯反又音鄒

音就識斬莽首軍人分裂莽身

支節肌骨鬻分爭相殺者數十人

師古曰三輔舊事云鬻切千段公

賓就持莽首詣王憲憲自稱漢大將軍城中兵數十

萬皆屬焉舍東宮

師古曰舍止宿也

妻莽後宮乘其車服六

日癸丑李松鄧曄入長安將軍趙萌申屠建亦至以

王憲得璽綬不輒上多挾宮女建天子鼓旗收斬之

傳莽首詣更始縣宛市百姓共提擊之

師古曰提擲也音徒計反

或切食其舌莽揚州牧李聖司命孔仁兵敗山東聖

格死仁將其衆降已而歎曰吾聞食人食者死其事

拔劍自刺死及曹部監杜普陳定大尹沈意九江連

率賈萌皆守郡不降爲漢兵所誅賞都大尹王欽及

郭欽守京師倉聞莽死乃降更始義之皆封爲侯太

師王匡國將哀章降雒陽傳詣宛斬之嚴尤陳茂敗

昆陽下走至沛郡譙自稱漢將召會吏民尤爲稱說

王莽篡位天時所亡聖漢復興狀茂伏而涕泣聞故

漢鍾武侯劉聖聚衆汝南稱尊號尤茂降之以尤爲

大司馬茂爲丞相十餘日敗尤茂并死郡縣皆舉城

降天下悉歸漢初申屠建嘗事崔發爲詩師古曰就發學詩

建至發降之後復稱說師古曰妄言不順漢建令丞相劉賜

斬發以徇史譔王延王林王吳趙閔亦降復見殺初

諸假號兵人人望封侯申屠建既斬王憲又揚言三

輔黠共殺其主吏民惶恐屬縣屯聚建等不能下馳

白更始二年二月更始到長安下詔大赦非王莽子

他皆除其罪故王氏宗族得全三輔悉平更始都長

安居長樂宮府臧完具獨未央宮燒攻莽三日死則

案堵復故更始至歲餘政教不行明年夏赤眉樊崇

等衆數十萬人入關立劉盆子稱尊號攻更始更始

降之赤眉遂燒長安宮室市里害更始民饑餓相食

死者數十萬長安爲虛師古曰虛城中無人行宗廟

園陵皆發掘惟霸陵杜陵完六月世祖卽位然後宗

廟社稷復立天下艾安師古曰艾讀曰艾○劉攽曰

一居攝五十四即真六十八誅死居攝三年號初始元年始建國五天鳳六地皇四

贊曰王莽始起外戚折節力行以要名譽宗族稱孝

師友歸仁及其居位輔政成哀之際勤勞國家直道

而行動見稱述豈所謂在家必聞在國必聞色取仁

而行違者邪師古曰論語載孔子對子張之言也不

黨比周故能在家人假仁者之色而所行則違之朋莽既不仁而有佞邪之材又

乘四父歷世之權遭漢中微國統三絕而太后壽考

為之宗主故得肆其姦慝以成篡盜之禍師古曰肆

推是言之亦天時非人力之致矣及其竊位南面處

非所據顛覆之執險於桀紂而莽晏然自以黃虞復

出也迺始恣睢奮其威詐師古曰睢音呼季反滔天虐民窮凶



極惡師古曰滔漫也毒流諸夏亂延蠻貉猶未足逞其欲焉

是以四海之內囂然喪其樂生之心師古曰囂然衆口愁貌也中

外憤怒遠近俱發城池不守支體分裂遂令天下城

邑為虛師古曰虛丘壠發掘害徧生民辜及朽骨自

書傳所載亂臣賊子無道之人考其禍敗未有如莽

之甚者也昔秦燔詩書以立私議莽誦六藝以文姦

言師古曰以六經同歸殊塗俱用滅亡皆亢龍絕氣

非命之運服虔曰易曰亢龍有悔謂無德而居紫色

蠹聲餘分閏位應劭曰紫間色蠹邪音也服虔曰言

閏也師古曰蠹者樂之淫聲非正曲也近之學引詩

謂蠹之鳴已失其義又欲改此贊蠹聲為蠹聲引詩

匪雞則鳴蒼蠅聖王之驅除云爾也蘇林曰聖王光武

師古曰言驅逐蠹除以待聖人也

前漢書卷九十九下

前漢書卷九十九下考證

王莽傳下臨淮瓜田儀等爲盜賊依阻會稽長州○

胡三省曰今蘇州長洲縣卽長州地

遂攻海曲縣殺其宰○李賢曰海曲故城在密州莒

縣東臣召南按通鑑卽書新市王匡王鳳南陽馬

武潁川王常成丹等南郡張霸江夏羊牧等起兵

於呂母之後

是歲赤眉力子都樊崇○劉攽曰力當作刁○臣召

南按通鑑作刁子都然本文及後書並作力姓譜

曰力姓黃帝臣力牧之後似力字不誤

翼平連率田況○胡三省曰据地理志北海壽光縣

莽曰翼平又夙夜連率韓博夙夜東萊郡不夜縣

莽改名也

乃身短衣小褰乘牝馬柴車○胡三省曰漢之盛乘

牝牝者禁不得聚會鄉閭阡陌皆然朝市之間從

可知矣唐尊爲上公而乘牝馬亦以矯世也

因下書責七公曰○七公四輔三公也

燒作室門○程大昌曰未央宮西北織室暴室之類

黃圖謂為尚方工作之所者也

持虞帝七首○胡三省曰虞帝安得有七首蓋莽自

為之以愚人也

聞故漢鍾武侯劉聖聚眾汝南○通鑑考異曰劉聖

後書劉元傳作璽

前漢書卷九十九下考證

前漢書卷一百上

漢 蘭 臺 令 史班 固撰

唐正議大夫行秘書少監琅邪縣開國子顏師古注

敘傳第七十上

班氏之先與楚同姓令尹子文之後也○宋祁曰字今

子文初生棄於薈中而虎乳之師古曰薈雲薈澤也

敖娶於邳生鬪伯比若敖卒從其母畜於邳淫於邳

田見之懼而歸夫入以告遂使收之薈中獸乳之邳子

虎於擇如本字又音音構牛羊乳汁曰構師古曰穀讀

音塗○宋祁曰淳化本乃苟反於音鳥擇字或作菟並

人謂虎班其子以為號師古曰子文之子秦之滅楚

遷晉代之間因氏焉師古曰遂始皇之末班壹避墜

於樓煩師古曰墜古地字致馬牛羊數千羣值漢初

定與民無禁當孝惠高后時以財雄邊師古曰國家

旗之禁故班氏以多出入弋獵旌旗鼓吹年百餘歲不設衣服車

以壽終故北方多以壹為字者師古曰馬邑人聶壹

多改此傳壹壹生孺孺為任俠州郡歌之孺生長官字為懿非也

至上谷守長生回以茂材為長子令師古曰上黨之

回生况舉孝廉為郎積功勞至上河農都尉師古曰

名農都尉大司農奏課連最入為左曹越騎校尉成者典農事

帝之初女為健仔致仕就第貲累千金徙昌陵昌陵

後罷大臣各家皆占數于長安師古曰占度也自隱

籍也占音況生三子伯旂穉伯少受詩於師丹大將之贍反

軍王鳳薦伯宜勸學召見晏昵殿師古曰親戚宴飲

曰張晏解與師古同容貌甚麗誦說有法拜為中常字林昵近也乃吉反

侍時上方鄉學師古曰鄉鄭寬中張禹朝夕入說尚

書論語於金華殿中師古曰金華殿在未央宮詔伯受焉既通大

義又講異同於許商遷奉車都尉數年金華之業絕

出與王許子弟為羣在於綺襦紈袴之間非其好也

晉灼曰白綺之襦冰紈也師古曰家本北邊志紈素也綺今細綾也並貴戚子弟之服

節忼慨數求使匈奴河平中單于來朝上使伯持節

迎於塞下會定襄大姓石季羣輩報怨殺追捕吏師古

曰報私怨而殺人吏追捕之又殺吏○宋祁曰懷字越本作忼石季越本作石李報怨殺淳化本及越本

作報怨伯上狀因自請願試守期月師古曰欲守定襄太守期音基

上遣侍中中郎將王舜馳傳代伯護單于師古曰音張戀反

并奉璽書印綬即拜伯為定襄太守師古曰即就也

定襄聞伯素貴年少自請治劇畏其下車作威吏民

竦息伯至請問耆老父祖故人有舊恩者師古曰請召也迎

延滿堂日為供具師古曰酒食之具執子孫禮郡中

益弛師古曰弛解也見伯諸所賓禮皆名豪懷恩醉

酒共諫伯宜頗攝錄盜賊具言本謀亡匿處伯曰是

所望於父師矣師古曰齒為諸父尊迺召屬縣長吏

選精進掾史師古曰精明分部收捕師古曰分及宅

隱伏旬日盡得郡中震卓咸稱神明師古曰卓歲餘

上徵伯伯上書願過故郡上父祖冢有詔太守都尉

以下會師古曰同因召宗族各以親疎加恩施散數

百金北州以為榮長老紀焉師古曰道病中風師古

傷也為既至以侍中光祿大夫養病師古曰受其秩

風所傷也賞賜甚厚數年未能起會許皇后廢班倢伢供養

東宮李奇曰元進侍者李平為倢伢而趙飛燕為皇

后伯遂稱篤久之上出過臨候伯伯惶恐起眡事師古

曰眡古自大將軍薨後師古曰富平定陵侯張放淳



于長等始愛幸出為微行行則同輿執轡入侍禁中

設宴飲之會及趙李諸侍中皆引滿舉白服虔曰舉

白瀝者罰之也孟康曰舉白見驗告白盡不也師古

曰謂引取滿觴而飲訖舉觴告白盡不也一說白

者罰爵之名也飲有不盡者則以此爵罰之魏文侯

與大夫飲酒令曰飲不釀者浮以大白於是公乘不仁

舉白浮談天大噓師古曰噓或曰噓謂唇口之中大

君者非見時乘輿幄坐張畫屏風師古曰噓謂唇口之中大

笑則非見時乘輿幄坐張畫屏風師古曰噓謂唇口之中大

此說非見時乘輿幄坐張畫屏風師古曰噓謂唇口之中大

姐已作長夜之樂上以伯新起數目禮之師古曰目

因顧指畫而問伯紂為無道至於是乎伯對曰書云

適用婦人之言師古曰今文尚何有踞肆於朝師古

陳也所謂衆惡歸之不如是之甚者也師古曰論語

之不善不如是之甚也故伯引此為言上曰苟不若

下流天下之惡皆歸焉故伯引此為言上曰苟不若

此此圖何戒伯曰沈湎于酒微子所以告去也師古

子殷之御士封於微爵稱子也殷紂錯亂天命微子

作誥告箕子比干而去紂其誥曰用沈酗于酒用亂

前漢書卷一百上敘傳

三一中華書局聚

敗厥德于荒事見其尚書微子篇式號式諱大雅所以

流連也言醉酒號呼以畫為夜也流連言作詩之夜

嗟歎而泣涕流連也而說者乃以流連為流亡蓋失

詩書淫亂之戒其原皆在於酒上迺喟然歎曰吾久

不見班生今日復聞讜言善言也音讜言放等不懌師

也音懌稍自引起更衣因罷出時長信庭林表適使

來聞見之孟康曰長信太后宮名也庭林表宮中婦

表官名耳庭非官稱也○宋祁曰林表晉灼曰應劭

書作材表宮人之有材能者表其師也張晏曰林君

也表外也於宮後上朝東宮太后泣曰帝間顏色瘦

黑謂師古曰間也班侍中本大將軍所舉宜寵異之益求

其比以輔聖德師古曰必寐反宜遣富平侯且就國上

曰諾車騎將軍王音聞之以風丞相御史師古曰風

奏富平侯罪過上迺出放為邊都尉後復徵入太后

與上書曰前所道尚未效

張晏曰謂上所言班侍中本大將軍所舉宜寵異之

富平侯反復來其能默虐

如淳曰富平侯張放復來太后安能默然不以爲言

上謝曰請今奉詔是時許商爲少府師丹爲光祿勳

上於是引商丹入爲光祿大夫伯遷水衡都尉與兩

師並侍中

如淳曰兩師許商師丹

皆秩中二千石每朝東宮常

從及有大政俱使諭指於公卿上亦稍厭游宴復修

經書之業太后甚悅丞相方進復奏富平侯竟就國

會伯病卒年三十八朝廷愍惜焉游博學有俊材左

將軍史丹舉賢良方正以對策爲議郎遷諫大夫右

曹中郎將與劉向校祕書每奏事

師古曰游每奏校書之事

選受詔進讀羣書

師古曰於天子前讀書

上器其能賜以祕書

之副時書不布

師古曰謂不出之於羣下

自東平思王以叔父求

太史公諸子書大將軍白不許語在東平王傳

師古曰此

言東平王求書不得而旌亦早卒有子曰嗣顯名當

世釋少為黃門郎中常侍方直自守成帝季年立定

陶王為太子數遣中盾請問近臣師古曰盾讀曰允

屬官也漢舊儀云秩四百石主徽巡宮中○蕭該音

穉獨不敢答師古曰慎哀帝即位出穉為西河屬國都

尉遷廣平相王莽少與穉兄弟同列友善兄事旌而

弟畜穉師古曰事旌如旌之卒也修總麻賻貲甚厚

師古曰賻音終者布帛曰賻車平帝即位太后臨朝莽

秉政方欲文致太平劉敞古曰言欲以文致太平○

者以春秋亂世但聖人作文致之如太平耳莽政既

乎惡而飾虛以自章大是亦文致也豈謂文教致太平

使使者分行風俗采頌聲師古曰更反而穉無所上

符瑞及歌頌琅邪太守公孫闓言災害於公府大司

空甄豐遣屬馳至兩郡諷吏民師古曰遣言祥應而

劾閔空造不祥穉絕嘉應嫉害聖政皆不道太后曰

不宣德美宜與言災害者異罰且後宮賢家我所哀

也師古曰班婕妤有賢德故哀閔其家閔獨下獄誅穉懼上書陳恩謝

罪願歸相印入補延陵園郎太后許焉食故祿終身

由是班氏不顯莽朝亦不罹咎師古曰初成帝性寬

進入直言是以王音翟方進等繩法舉過師古曰論天子之過

失而劉向杜鄴王章朱雲之徒肆意犯上師古曰故肆極也

自帝師安昌侯諸舅大將軍兄弟及公卿大夫後宮

外屬史許之家有貴寵者莫不被文傷詆師古曰詆毀也音丁

禮反唯谷永常言建始河平之際許班之貴傾動前朝

熏灼四方賞賜無量空虛內臧女寵至極不可尚矣

今之後起天所不饗什倍於前永指以駁譏趙李亦

無間云師古曰雖谷永嘗有此言而意專在趙李耳自餘劉向之徒又皆不論班氏也間非也音

唐竟反穉生彪彪字叔皮幼與從兄嗣共遊學家有賜

書內足於財好古之士自遠方至父黨揚子雲以下

莫不造門師古曰造至也音千到反嗣雖修儒學然貴老嚴之術

也師古曰老老子也嚴莊周也桓生欲借其書師古曰桓譚嗣報曰若夫

嚴子者絕聖棄智修生保真清虛澹泊歸之自然師古曰澹泊音步各反又音魄獨師友造化而不為世俗

所役者也漁釣於一壑則萬物不奸其志師古曰奸犯也音干

栖遲於一丘則天下不易其樂不結聖人之罔師古曰罔結

讀與挂同聖也謂周孔也不驍驕君之餌師古曰驍音六畜之畜

也謂爵祿君所以制使其臣亦猶釣魚之設餌蕩然肆

志談者不得而名焉師古曰肆放也故可貴也今吾子已貫

仁誼之羈絆繫名聲之韁鎖師古曰韁如馬韁也音

半伏周孔之軌躅鄭氏曰躅迹也三輔謂牛蹄處為

音文欲反○宋祁曰鄭云躅音

之拘揭馳顏閔之極摯劉德曰摯至也既繫孿於世教

矣何用大道為自眩矐師古曰言用老子莊周之道何為但欲以名自眩矐耳眩

音州縣之縣○宋祁曰矐字下浙本有也字昔有學步於邯鄲者曾未得

其髣髴又復失其故步遂匍匐而歸耳師古曰匍音扶匐音平北

反恐似此類故不進師古曰言不與其書嗣之行己持論如此

叔皮唯聖人之道然後盡心焉張晏曰固不欲言父諱舉其字耳年

二十遭王莽敗世祖即位於冀州時隗囂據壘擁眾

招輯英俊師古曰壘字下當有右字而公孫述稱帝於

蜀漢天下雲擾師古曰言盜賊擾亂如雲而起大者連州郡小者據

縣邑囂問彪曰往者周亡戰國並爭天下分裂數世

然後迺定其抑者從橫之事復起於今乎師古曰將抑語辭

承運迭興在於一人也師古曰迭互也音大結反願先生論之對

曰周之廢興與漢異昔周立爵五等諸侯從政師古曰言

諸侯之國本根既微枝葉强大師古曰本根謂王故

其末流有從橫之事其執然也漢家承秦之制並立

郡縣主有專己之威臣無百年之柄至於成帝假借

外家師古曰假音工暇反借音子夜反哀平短祚國嗣三絕危自上

起傷不及下故王氏之貴傾擅朝廷能竊號位而不

根於民師古曰言無據援是以即真之後天下莫不引領而

數十餘年間外內搔擾遠近俱發假號雲合咸稱劉

氏不謀而同辭方今雄桀帶州城者皆無七國世業

之資宋祁曰城或作域詩云皇矣上帝臨下有赫鑒觀四方

求民之莫也師古曰大雅皇矣天之詩也皇大也上帝天

察衆國求之人所定而授之今民皆謳吟思漢鄉仰劉氏已可知矣

師古曰嚮鄉囂曰先生言周漢之執可也至於但見愚

民習識劉氏姓號之故而謂漢家復興疏矣昔秦失



其鹿劉季逐而倚之師古曰倚偏持其足也音居蟻反時民復知漢

虐既感囂言又愍狂狡之不息宋祁曰韋昭音義作火旁息音熹既反

字林音息是以今迺著王命論以救時難其辭曰昔

在帝堯之禪曰咨爾舜天之歷數在爾躬舜亦以命

禹師古曰事見論語泉于稷契咸佐唐虞師古曰契讀與商同字本作契○宋

音巨粒反光濟四海奕世載德師古曰載承也至于

湯武而有天下雖其遭遇異時禪代不同至于應天

順民其揆一也師古曰言堯舜以文德相禪湯武以征伐代興各上應天命下順人心

是故劉氏承堯之祚氏族之世著乎春秋師古曰謂士會歸晉

其處者唐據火德而漢紹之始起沛澤則神母夜號

以章赤帝之符由是言之帝王之祚必有明聖顯懿

之德豐功厚利積彙之業師古曰彙古累字○宋祁曰師古曰下當有豐古豐

字四然後精誠通於神明流澤加於生民故能為鬼

神所福饗天下所歸往未見運世無本功德不紀師古曰屈起特起

曰不紀不而得屈起在此位者也師古曰屈起特起

世俗見高祖興於布衣不達其故以為適遭暴亂得

奮其劍游說之士至比天下於逐鹿幸捷而得之不

知神器有命不可以智力求也劉德曰神器璽也李

也師古曰李說是也○劉奉世曰帝王賞罰之柄

亂臣賊子者也若然者豈徒聞於天道哉又不觀之

於人事矣夫餓饉流隸饑寒道路隸古曰思有短褐

之褻儋石之畜師古曰褻謂親身之衣也音先到反

音義曰字林曰褻衷衣也○蕭該所願不過一金

然終於轉死溝壑何則貧窮亦有命也况虐天子之

貴四海之富神明之祚可得而妄處哉故雖遭罹阨

會竊其權柄師古曰罹亦勇如信布彊如梁籍成如

遭也音離

王莽然卒潤鑊伏質亨醢分裂師古曰質鑊也伏於

竹林又況么磨尚不及數子鄭氏曰磨音麼也

師古曰鄭音是也么磨皆微小之稱也相合晉說失

之而欲闇奸天位者虐師古曰奸字古音干○宋祁是故

駑蹇之乘不騁千里之塗燕雀之疇不奮六翮之用

窠梲之材不荷棟梁之任師古曰窠梁上短柱也窠音節

字亦或作節梲音之說反○蕭該音義曰韋昭窠音節

音之劣反也斗筭之子不秉帝王之重師古曰斗筭

在公孫劉田傳筭音山交反○蕭該音義曰筭論語

何足算也易曰鼎折足覆公餗師古曰鼎卦九四

作餗○蕭該音義曰餗音速該案字林餗也韋昭音義餗字

一訓則不勝其任也當秦之末豪桀共推陳嬰而王之

嬰母止之曰自吾為子家婦而世貧賤師古曰卒富

前漢書卷一百上敘傳 八中華書局聚

貴不祥不如以兵屬人師古曰屬委也音之欲反事成少受其利

不成禍有所歸嬰從其言而陳氏以寧王陵之母亦

見項氏之必亡而劉氏之將興也是時陵為漢將而

母獲於楚有漢使來陵母見之謂曰願告吾子漢王

長者必得天下子謹事之無有二心遂對漢使伏劍

而死以固勉陵其後果定於漢陵為宰相封侯夫以

匹婦之明師古曰凡言匹夫匹婦謂凡庶之人一夫一婦當相配匹猶能推事理

之致探禍福之機而全宗祀於無窮垂策書於春秋

師古曰春秋史書記事之總稱而況大丈夫之事處是故窮達有命

吉凶由人嬰母知廢陵母知興審此四者帝王之分

決矣音師古曰分反蓋在高祖其興也有五師古曰王命論敘高祖之

德及班氏漢書敘目所稱互尋覽難知者則具釋焉

解以穢篇籍其有辭句隱互尋覽難知者則具釋焉  
曰注沈文沈字浙本取也○宋祁一曰帝堯之苗裔二曰

體貌多奇異三曰神武有徵應四曰寬明而仁恕五

曰知人善任使加之以信誠好謀達於聽受見善如

不及用人如由己從諫如順流趣時如嚮赴師古曰

響如響之當食吐哺納子房之策拔足揮洗揖酈生

之說寤戍卒之言斷懷土之情師古曰洛陽近沛高

懷土之情也高四皓之名割肌膚之愛晉灼曰不立

舉韓信於行陳收陳平於亡命英雄陳力羣策畢舉

此高祖之大略所以成帝業也若迺靈瑞符應又可

略聞矣初劉媪任高祖而夢與神遇師古曰任震電

晦冥有龍蛇之怪及其長而多靈有異於衆是以王

武感物而折券呂公覩形而進女秦皇東游以厭其

氣呂后望雲而知所處師古曰厭音一葉反蕭該

日厭始受命則白蛇分西入關則五星聚故淮陰留

侯謂之天授非人力也歷古今之得失驗行事之成

敗稽帝王之世運考五者之所謂取舍不厭斯位符

瑞不同斯度劉德曰厭當也師而苟昧於權利越次

妄據師貪也外不量力內不知命則必喪保家之主

失天年之壽遇折足之凶伏鈇鉞之誅師古曰鈇英

雄誠知覺寤畏若禍戒師古曰超然遠覽淵然深識

收陵嬰之明分絕信布之覬覦師古曰分音扶問反

該音義曰字書曰覬聿也覦欲也距逐鹿之警說審神器之有授毋

貪不可幾為二母之所咲師古曰不可幾謂不可庶

則福祚流于子孫天祿其永終矣知隗囂終不寤迺

避墜於河西師古曰墜古地字○蕭該音義曰河西

大將軍竇融嘉其美德訪問焉師古曰每與謀舉茂材為

徐令以病去官後數應三公之召仕不為祿所如不

合師古曰如往也不合其意學不為人博而不俗言

不為華述而不作有子曰固弱冠而孤師古曰固作

幽通之賦以致命遂志劉德曰致極也陳吉其辭曰

系高頊之玄胄兮氏中葉之炳靈應劭曰系連也曹

頊之連緒也顓頊北方水虎乳故曰炳靈絲凱風而蟬蛻

兮雄朔野以颺聲應劭曰凱風南風也朔北方也言

曰絲讀與由同從也蛻音祝颺與揚皇十紀而鴻漸

兮有羽儀於上京應劭曰鴻漸于陸其羽可用為儀成帝

時班况女為倅仔曰父子漢皇也巨滔天而泯夏兮考

邁愍巨行謠應劭曰巨憂王莽字巨君也張晏曰彪漫也

自言不畏天也邁滅也夏諸夏也考班固曰謠終保己而貽

則兮里上仁之所廬師古曰言其父遭時濁亂以道

也論語稱孔子曰里仁為美擇懿前烈之純淑兮窮

前漢書卷一百上敘傳十一中華書局聚

與達其必濟師古曰固自言美前人之餘業窮則咨

孤矇之眇眇兮將圯絕而罔階師古曰眇音微細也

懼將毀絕先人之跡無階路以自成○蕭該音豈余

身之足殉兮偉世業之可懷師古曰殉營也偉字與

說文偉籀文○蕭該音義曰字林曰殉殺生送死也靖

潛處以永思兮經日月而彌遠匪黨人之敢拾兮庶

斯言之不玷蘇林曰拾音負拾之拾應劭曰拾更也

靜字也拾音其業反魂煢煢其神交兮精誠發於宵

寐夢登山而迥眺兮覲幽人之髣髴張晏曰幽人神

見也音迪○宋祁檻葛藟而授余兮眷峻谷曰勿墜

師古曰檻執取也言入峻谷者當據葛藟可以免于

顛墜猶處時俗者當據道義然後得用自立故設此

音攬其字從手藟音力水反○宋祁曰據葛藟當作攀蔓焉當助昕寤而仰思兮心蒙蒙猶未察孟康曰



旦也覺寤思念未知其吉凶也師古曰吻音忽昕音

欣○蕭該音義曰鄧展物音味該案字書吻尚冥也

但音勿察合韻音蔡則協韻矣日黃神邈而靡質兮儀

遺讖以臆對其應劭書以黃帝善占夢久遠無從得問準

該音義曰臆臆臆也師古曰對合韻也該案諸詮音楚

反鳴曰乘高而選神兮道遐通而不迷神故曰乘高山見

選又音五各反故葛絲絲於膠木兮詠南風以為綏

福履綏之師古曰膠木下垂之木也綏安也膠音居

亦作刺韋昭曰刺下曲也居驩反穆蓋惴惴之臨深

兮乃二雅之所祗小師古曰詩小雅小宛之篇曰惴惴

以告象兮又申之以烟戒音碎烟音公迺反烟明也諄

說文曰諄作吉蕭該音義曰盍孟晉以迨羣兮辰倏忽

其不再服虔曰盍何不也孟勉也晉進也迨及也何

也言時疾過不再來也倏音式六承靈訓其虛徐兮

反○宋祁曰晉或作晉亦作晉張惟天墜之無

窮兮蠱生民之晦在無幾也師古曰墜古地字也蠱

少也言天地長久而人壽短促也蠱音先踐反○蕭

該音義曰晦韋昭音謀鬼反又音梅字林曰晦微視

貌美目紛屯亶與蹇連兮何艱多而智寡難多智者少

故遇禍也師古曰易屯卦六二爻辭曰屯如亶如蹇

延反連音上聖寤而後拔兮豈羣黎之所御師古曰

言上聖之人猶遇紛難觀機能寤然後自拔文王昔

衛叔之御昆兮昆為寇而喪予也孟康曰御迎也昆兄

音五駕反衛叔解在五志御管彎弧欲斃讎兮讎

作后而成己帶鉤古桓公謂管仲射桓公中變化故而相

詭兮孰云豫其終始詭違也雍造怨而先賞兮丁繇

惠而被戮丁師古曰雍雍齒也丁同桌取弔于道吉兮王

膺慶於所憾應劭曰卓孝景姪也無子而姤見廢

道救得母元帝也倣師古也倣亦師古也畔亂所也畔回穴其若茲今北叟頗識

其倚伏稱也古曰淮南子曰北塞上之轉旋之意也

胡中人皆弔之其父曰此何詎此不為福居數月其馬

將胡駿馬而歸人皆賀之對曰詎此不為禍家富

馬良其子好騎墮而折髀人皆弔之對曰此何詎不

為福居一年胡夷大入丁壯者皆控弦而戰塞上之

禍人死福者十九倚福今獨以跛之故頗識其倚伏音於綺

反單治裏而外凋今張修褩而內逼也應劭曰單單豹

理五內處深山為虎所食張張毅也外修恭敬斯徒

馬圍皆與亢禮不勝其勞內熱而死師古曰褩表也

素衣朱褩該案詩音博字林曰褩黼衿也方沃反音吹

中蘇為庶幾今顏與冉又不得蘇師古曰吹古聿由也

由中和之道可以庶幾免於禍難而顏回早死冉耕

惡疾為善之人又不得其報也宋祁曰注文聿由

也皆當作曰字溺招路以從己今謂孔氏猶未可安

惛惛而不施兮卒隕身虜世既鄧展曰惛惛亂貌也

前漢書卷一百上敘傳十一中華書局聚

溺也路子津也論語曰長沮桀溺耦而耕孔子過之

使子路問津焉也桀溺曰誰以易之且亂而與其從人之

士豈若天下避世之士哉言天下皆亂將用誰變易

之乎避人不能避士乃遇孔子避世之士死敵也音高

安之卒不味反乃本借其音同○蕭該音義曰肥

反羊腓音扶之腓反假借其音同○蕭該音義曰肥

牛家灼音義通賦云遊避也曹游聖門而靡救兮顧覆

大晉注幽通賦云遊避也曹游聖門而靡救兮顧覆

醢其何補進師古曰禮記云孔子哭子路於中庭既哭

賦言子路游聖人而禮記云孔子哭子路於中庭既哭

救之以免於難雖為覆醢而無所補益固行行其必凶

今免盜亂為賴道也師古曰論語稱閔子樂曰若由也

不得其死然又稱子路曰君子有勇而無義為亂小人

賦言子路稟行行之性其剛強之貌也以免為盜

者賴聞道於孔子也行行其剛強之貌也以免為盜

○蕭該音義曰反行形氣發于根柢兮柯葉彙而靈茂

師古曰抵本也彙盛也靈善也言草木本根氣強則

枝葉盛而善美人之先祖有大功德則胤緒亦蕃昌

服也抵音丁彙類也反音近卉服音莫口反○蕭該音義曰彙

謂書音恐夙蝮之責景兮慶未得其云已師古曰慶發

同已止也莊子云夙兩問景曰曩子行而今子止吾所待

又有待而然賦言景之行止皆隨於形草木枝黎淳

耀于高辛兮芊彊大於南汜應劭曰黎楚之先也淳

楚姓汜涯也師古曰言黎在高辛之時為火正有矣

音祀召南之詩曰贏取威於百儀兮姜本支虐三止

應劭曰贏秦姓也伯益之後也伯益為虞有儀鳥獸

齊伯夷之後伯夷為秩宗典天地人鬼之禮也○蕭

該音義曰止文選作趾劉奉世曰百儀則栢翳也○語

耳訛既仁得其信然兮印天路而同軌然仰視天道又

同法也師古曰印讀曰仰謂求東以虐而殲仁兮王合位

虐三五應劭曰東以紂也殲盡也王武王也欲從五

曰昔武鄰字也仁印三仁也國語曰日月星辰之所在也師古

之所在也斗杓星在天龍星與日月辰之天駟日在北維顛頭

牛焉則我皇妣大姜之姓伯陵之後逢公之辰為農

也歲之所在則我大姜之姓伯陵之後逢公之辰為農

用之五太謂祖后稷日月星辰也三所謂逢公所憑神周

分野所經緯也戎女烈而喪孝兮伯徂歸於龍虎曰孟康

晉文公為虎也歲在卯古曰歷十九年過一歲在酉入卯

也往也孝謂太子申生也伯歸入也劉敞曰重耳之

出也歲在大梁故曰火虎非卯酉也入發還師以成性兮重

醉行而自耦兵師於孟津武王名也性命也武王初觀

箕子武王乃伐克之於天還師二年紂殺比干囚

公名也耦合也文公初出奔至齊桓公妻之有馬

遂反國與天時偶會也應劭震鱗熬于夏庭兮而三正而

滅周謂衰如也解在五行志三正歷夏殷周也師古曰

丑之反正異羽化于宣宮兮彌五辟而成災應劭曰

音之盈反宣帝時未央宮路軫廡中唯鷄化為雄元

元注末當有五辟宣道悠長而世短兮奠冥默而不

周蕭劉該音義曰遠也冥晉灼曰冥音目深不可通至也

賦諸反該音呼政反韋昭曰奠遠也延壽靈光殿晉仍物

而鬼諏兮迺窮宙而達幽應劭曰胥須也仍因也

與能往古來今日曰蕭該音義曰諏卜筮然後謀鬼神極

古注于幽通諸賦云往來今謂之宙聖人所愛曰宙極數

卜筮謀於鬼神媯巢姜於孺筮兮日算祀于挈龜劭應

父厲公使周史卜居也姜齊姓也孺卦也陳完少時其

也祀年也周公卜居洛得世三十七百也師古曰

亦卜田完挈耳其兆有五世八世是祀也宣曹興敗

於下夢兮魯衛名諡於銘謠衆應曰周宣王之祥而中

與曹伯陽國入夢衆君子立於社宮與旗之祥而曹亡

也孟康曰魯文成之世童謠言稠父喪勞宋父以驕

後昭公掘地得石椁其銘曰靈公名遂以爲諡

前漢書卷一百一十一敘傳 古一中華書局聚

呱而刻石兮許相理而鞠條應劭曰妣叔向之妣也

當餓死知其後必滅羊舌氏許負相周亞夫從理入口

該音義曰該案曹大夫所封也師古曰鞠告也道混成而自然兮術同原

而分流師古曰大道混壹歸於自然神先心以定

命兮命隨行以消息師古曰言神明之道雖在人心

以別禍福無命字幹流遷其不濟兮故遭懼而羸縮

師古曰幹轉也言人之生各有遭遇不能三樂同於

一體兮雖移盈然不忒孟康曰晉大夫覆三樂同於

善也春秋左氏傳稱秦伯問於士鞅曰晉大夫其誰

先乎武對曰其德在如周人思邨公愛其甘棠况

其惡乎彰將死盈之善未及襄公二十一年終為

范宣子所逐而出奔楚自楚適齊也洞參差其紛

錯兮斯衆兆之所惑師古曰庶也周賈盪而貢憤兮齊



死生與既福孟康曰莊周賈誼也貢惑也憤亂也放

曰貢晉灼音義作心旁貢字林曰憤憤也李奇音義

言以矯情兮信畏犧而忌鵬孟康曰莊周不為犧

古曰抗舉福也爽差也謂二入雖舉言齊所貴聖人之

至論兮順天性而斷誼師古曰斷音丁誼謂以誼

而不居兮亦有惡而不避師古曰言富貴人之所欲

節則人之所惡處得其守孔約而不貳兮迺輶德而無

累德師古曰孔甚也輶輕也斯為可矣詩大雅烝民之篇曰

輶音輶如九反又音猶舉之三仁殊而一致兮夷惠舛而

齊聲為師古曰叔比干諫而賢臣也論語稱微子去之箕子

夷也惠柳下惠也連賦言微子箕子伯夷叔齊虞仲夷

而並稱三伯夷不義武王之伐殷至于不食周粟而死

字○蕭該音義曰舛木偃息曰蕃魏兮申重繭曰存荆

前漢書卷一百一上敘傳 五中華書局聚

師古曰木段干木也客居魏或諫曰魏侯敬而禮之過其

閭未嘗不軾也秦欲伐魏或諫曰魏侯敬而禮之過其

人稱仁未起如圖也秦遂昭王時吳師入郢昭王出奔

申包胥秦哀公出師踰越險阻會吳師重昭王於秦庭號

也包胥包胥辭曰吾所以注重文而為君耳非為身紀焚躬

以衛上兮皓頤志而弗營於師難而為紀項羽所燒皓四

不皓也處商洛深山高祖求之侯山木之區別兮苟能

實而必榮要沒世而不朽兮迺先民之所程侯維也

張晏曰苟能有仁義之道必有榮名也師古曰侯發

不詞也爾雅曰伊惟也道必正也言人之操行所尚

馨烈材幹並擅貞芳此乃古昔賢人以為正道也論

語稱宋祁曰侯周詩曰譬文王孫子毛傳曰侯維也

觀天罔之紘覆兮實棊謀而相順誠也相助也師古

道惟誠是輔唯順是助故引以為謨先聖之大繇兮

亦以惠而助信也劉德曰古鄰字詩小雅曰謀也

秩大經聖人之謨之論語稱孔子曰德不孤必有鄰易

道有德者必為同志所依履信者虞韶美而儀鳳兮

孔忘味於千載韶師古曰韶舜樂名也虞書舜典曰

言聞韶三月不知肉味也素文信而底麟兮漢賓祚于

異代禮應劭曰底致也麟漢封其後為褒成及紹嘉公

二代之後為客精通靈而感物兮神動氣而入徹養游睇

而援號兮李虎發而石開善射古曰養養由基也楚王之

使由基射猿操弓而眇之猿抱木而號知其必見中

也李李廣也夜遇石以爲猛獸而射之石沒羽也

案○宋祁曰徹當作微游蕭本作流音義曰該非精誠

其焉通兮苟無實其孰信合韻音新操末技猶必然

今矧湛躬於道真射者微技猶能精誠感於猿石况

前漢書

卷一百上

敘傳

六

中華書局聚

羣龍之所經應劭曰伏義下訖孔子終始天龍備矣

孟康曰孔甚也顯大也孟說經緯是也顯音胡老反朝

貞觀而夕化兮猶誼己而遺形也應劭曰貞正也觀見

之道貞觀者也張晏曰言朝觀天道而夕死可也師

古曰形己尚可遺忘况外物者哉誼音許元反又音

許遠若胤彭而偕老兮訴來哲以通情祖師古老彭

也言有繼續彭祖之志升躡老聃亂曰天造山昧立

性命兮應劭曰天道始造萬物草創於冥昧之中皆

引之賦復心弘道惟賢聖兮地應劭曰易曰復其入能

弘道師古曰復音扶目反○蕭該音義曰復一作腹

渾元運物流不處兮也師古曰渾元天地之氣保身遺

名民之表兮舍生取誼亦道用兮我應劭曰孟子曰生

欲也二者不可得兼舍生憂傷天物忝莫痛兮晉灼

而取義也師古曰舍置也憂傷天物忝莫痛兮晉灼

設也言死者莫痛於是也師古曰此說非也忝辱也

言不達性命自與憂傷為物所夭既辱且痛莫過於

是昊爾太素曷渝色兮服虔曰守死善道不染流俗是謂浩爾太素何有變渝者

哉師古曰渝音踰尚粵其幾淪神域兮應劭曰尚上也粵於也易曰知幾其神乎

淪入也師古曰尚庶幾也願也永平中為郎典校秘書專篤志於博

學以著述為業或譏以無功又感東方朔揚雄自諭

以不遭蘇張范蔡之時曾不折之以正道明君子之

所守故聊復應焉其辭曰賓戲主人曰蓋聞聖人有

壹定之論烈士有不易之分亦云名而已矣如淳曰唯貴得

也名故太上有立德其次有立功夫德不得後身而特

盛功不得背時而獨章是以聖喆之治棲棲皇皇古

之意也曰不安孔席不煖墨突不黔師古曰孔子墨翟

志在明道不暇安居○蕭該音義曰煖呂靜曰煖

温也乃卯反黔字林曰驚黑也音答又音匡炎反由

此言之取舍者昔人之上務著作者前列之餘事耳

劉德曰取者施行道德舍者守靜無為也今吾子幸游帝王之世躬帶冕

之服師古曰帶大浮英華湛道德師古曰湛讀曰沈

外則有美名善譽也轡龍虎之文舊矣易曰大曰人虎變也

內則履道崇德也尋其下句孟說也齊視也言目厭

見其文炳也言文章之盛久也晉灼曰齊視也音莫限

反卒不能攄首尾奮翼鱗振拔洿塗跨騰風雲師古曰攄

申也洿停水也塗泥也以龍為喻也洿音一故反又

音鳥○蕭該音義曰攄字林曰攄舒也尹於反又擬

也韻音之入反○宋祁徒樂枕經籍書紆體衡門師古曰紆

曰享當作響注同徒樂枕經籍書紆體衡門師古曰紆

屈也衡門橫一木於門上○蕭該音義曰籍才亦反

韋昭音義作菹字慈固反說文曰菹茅籍也從草祖

漢書本韋昭音則上無所蒂下無所根獨攄意乎宇宙

之外銳思於豪芒之內潛神默記恒以年歲恒音巨

竟之巨師古曰宇宙之外言宏廣也然而器不買於

當己用不效於一世劉德曰賈讎也師古曰當己謂

古又音工暇反離音齒九越本作上究反宋祁曰詩曰賈用雖

馳辯如灑波搗藻如春華師古曰灑文辭也猶無益

於殿最音丁見反意者且運朝夕之策定合會之計

使存有顯號亡有美諡不亦優虐主人道爾而笑曰

師古曰道古也若賓之言斯所謂見執利之華闇道

德之實守突奧之熒燭未印天庭而覩白日也應劭

雅東南隅謂之突西南隅謂之奧師古曰突奧室中

了反其字從穴夭聲也蕭該音義曰郭璞曰突音

熒熒三字浙本添曩者王塗蕪穢周失其御侯伯方軌戰國

橫鶩於是七雄虢闕分裂諸夏應劭曰七雄秦及六

交反闕音呼敢反蕭該龍戰而虎爭游說之徒風

颺電激並起而救之師古曰颺讀與揚同蕭該音

颺云颺風之聚說文曰颺或作颺漢書並作風其餘焱

飛景附煜雪其間者蓋不可勝載師古曰焱疾風也

于及反雷音下甲反雷音于又音育○蕭該音義曰煜雷

音為育雷音甲暈邇之暈字林曰雷震電也一當此之

時搦朽摩鈍鋤刀皆能壹斷反師古曰搦按也音女角

搦義曰搦韋昭曰搦腦瀦浣腸胃曰是故魯連飛一

矢而蹶千金虞卿以顧眄而捐相印也應劭曰魯連

燕將保於聊城魯連繫帛書於矢射與之為陳利

帝秦時圍邯鄲為却五十里趙遂以安趙王以千金

與齊有故然怒其窮於是解相印間行與奔魏公子

反月夫啾發投曲感耳之聲合之律度淫蠅而不可聽

者非韶夏之樂也李奇曰蠅小聲而發也投曲趣合屈

曲也感耳動應眾庶之耳也然謂蠅不鳴也啾音子所

由反蕭該音義曰韋昭曰若蠅因執合變偶時之

會風移俗易乖忤而不可通者非君子之法也師古



偶可當時之會而不及至從人合之衡人散之從音古

庸反亡命漂說羈旅騁辭也音匹遙反商鞅挾三術以

鑽孝公李斯奮時務而要始皇兵應劭曰王霸富國強

王富國強兵也彼皆躡風雲之會履顛沛之執

也據據微乘邪以求一日之富貴

也發也○宋祁曰浙本去以激激朝為榮華夕而焦瘁古

反曰瘁與悴在消福不盈眦既溢於世

字不盈眦也○蕭該音義曰昔凶人且以自悔況吉士

而是賴虛賴師古曰且功不可以虛成名不可以偽立

韓設辯以徵君呂行詐以賈國師古曰賈市說難既

會其身迺囚秦貨既貴厥宗亦隧之應劭曰會音難

韓非書篇名也呂不韋效千金於秦立子楚為王封

在趙而云此奇貨可居故班氏謂子楚為秦貨耳安

前漢書卷一百上敘傳九一中華書局聚

曰魯執也韋昭是故仲尼抗浮雲之志孟軻養浩然之

氣張晏曰孔子云不義而富且貴於我如浮雲孟軻曰我善養吾浩然之氣而無害則塞乎天地之間

純也師古曰浩然彼豈樂為迂闊哉道不可以貳也師古

也迂遠方今大漢洒掃羣穢夷險芟荒師古曰洒音

信音廓帝紘恢皇綱基隆於羲農規廣於黃唐其君

天下也炎之如日威之如神函之如海養之如春師古

讀函容也是以六合之內莫不同原共流沐浴玄德

也師古曰原水泉之本稟印太和枝附葉著師古曰印

略音直譬猶山木之殖山林鳥魚之毓川澤師古曰殖

毓與得氣者蕃滋失時者苓落師古曰苓參天墜而

施化豈云人事之厚薄哉師古曰墜今子處皇世而

論戰國耀所聞而疑所覲師古曰覲欲從旄敦而

度高虜泰山懷沈濫而測深虜重淵亦未至也應劭曰

雅前高曰旄丘如覆敦者敦丘側出曰沈泉正出曰  
濫泉師古曰敦音丁回反度音徒各反沈音軌○蕭

該音義曰旄爾雅曰前高後下曰莖音此與爾雅同莖音毛又上  
字林曰前高後下曰莖音此與爾雅同莖音毛又上

周反今人呼為務音乖僻多矣沈濫舊作沈檻韋昭  
曰水側出曰沈泉音範湧出曰濫泉音檻宋祁曰未

至字下當有後下字注賓曰若夫鞅斯之倫衰周之  
文正出當作上出字

凶人既聞命矣敢問上古之士處身行道輔世成名

可述於後者默而已虜主人曰何為其然也昔咎繇

謨虞箕子訪周師古曰謀言通帝王謀合聖神殷說夢

發於傅巖周望北動於渭濱師古曰說傳說也解已

尚也釣於渭水文王將出獵卜之曰所謂太公望即呂  
非豹非羆乃帝王之輔果遇呂尚於渭陽與語大悅

曰吾太公望子久齊甯激聲於康衢漢良受書於邳

沂鄭氏曰五達曰康四達曰衢晉灼曰沂崖也下邳

也沂音牛斤反○蕭該音義曰康韋昭曰五達為康

呼坑反該案事出爾雅該讀康如字未詳韋氏音沂  
也謂昭作恨曰恨限皆埃命而神交匪詞言之所信古

曰信合韻音新○蕭該音故能建必然之策展無窮

之勳也近者陸子優繇新語以興鄭氏曰優繇不仕也師古曰繇讀與

同董生下帷發藻儒林劉向司籍辯章舊聞揚雄覃

思法言太玄師古曰覃大也深也皆及昔君之門闈究先聖之

壺奧應劭曰宮中門謂之闈宮中巷謂之壺師古曰壺音苦本反婆娑虐術藝之

場休息虐篇籍之囿以全其質而發其文用納虐聖

聽列炳於後人斯非其亞與師古曰亞次也與讀曰亞次若迺夷抗

行於首陽惠降志於辱仕師古曰夷伯夷也惠柳下惠也辱仕謂為士師三黜

也顏耽樂於簞瓢孔終篇於西狩師古曰獲麟也狩合

韻音守○蕭該音義曰簞瓢字書曰簞反聲盈塞於天

淵真吾徒之師表也且吾聞之壹陰壹陽天墜之方

師古曰墜古地字迺文迺質王道之綱有同有異聖喆之常

故曰慎修所志守爾天符委命共己味道之腴師古曰共

讀曰恭神之神聽之名其舍諸師古曰舍廢也諸之也

之佑以福祿自然賓又不聞蘇氏之璧韞於荆石師古

亦藏也古和字也韞反隋侯之珠臧於蚌蛤師古曰蚌

音平項反蛤音工合反○蕭該音義曰蚌蛤字書

世莫眊不知其將含景耀吐英精曠千載而流夜光

也應龍潛於潢汙魚鼃媒之潢汙停水也龍有翼者

蒼也師古曰據以足據持也顯天也元氣顯汗故

義曰據案字書無足旁虛字猶應是踞字字書踞躡

該案爾雅曰春曰蒼天夏曰昊故夫泥蟠而天飛者

應龍之神也先賤而後貴者蘇隋之珍也昔闇而久

章者君子之真也師古曰時闇也若迺牙曠清耳於管

絃離婁眇目於豪分師古曰離婁明目者也眇細視也逢

蒙絕技於弧矢班輸權巧於斧斤師古曰逢蒙古魯

公輸班也古樂府云誰能為此器公輸與魯班皆巧藝也

一曰競也權音較音角○蕭該音義作推字云劉氏云推效也

咸言極也盡也良樂軼能於相馭烏獲抗力於千鈞

師古曰良王良也樂伯樂也軼與逸同相馭馬也馭善馭也

石研桑心計於無垠孟康曰研古之善計也桑弘

蕭該音義曰鍼字林曰鍼所亦曰縫也之垠厓反也僕亦

不任廁技於彼列故密爾自娛於斯文師古曰密

前漢書卷一百上

前漢書卷一百上考證

敘傳○臣召南按南史蕭琛傳琛爲宣城太守有北僧南渡惟齋一瓠蘆中有漢書序傳僧云三輔舊書相傳以爲班固真本琛固求得之其中多有異今者而紙墨甚古文字多如龍舉之例非隸非篆琛甚秘之及爲江夏太守以書餉鄱陽王範獻於東宮又劉之遴傳太子以漢書真本令之遴與張纘到漑陸襄等參校異同之遴錄其異狀數十事其大略云案古本漢書稱永平十六年五月二十一日己酉郎班固上而今本無上書年月日子又案古本敘傳號爲中篇今本稱爲敘傳又今本敘傳載班彪事行而古本云彪自有傳臣按此說可疑後書固傳固自永平中始受詔潛精積思二十餘年至建初中始成然則永平十六年乃初受詔豈容卽表上於朝乎又其父彪以建武中爲徐令司徒掾望都長自不合列傳於前書所謂真本必非實也意者好事之徒所爲耶永平中何由有

紙卽此足破其妄漢書自初出卽已盛行入表天文志闕曹大家且受詔以完其業然則今本漢書確足據矣稱敘傳爲中篇有何義乎

楚人謂虎班其子以爲號注師古曰子文之子鬬班亦爲楚令尹○胡三省曰左傳莊三十年申公鬬班殺令尹子元而鬬穀於菟爲令尹恐班非子文之子

車騎將軍王音聞之以風丞相御史○通鑑考異曰按放傳丞相宣御史大夫方進奏放過惡音以正月乙巳薨方進以三月丁酉爲御史大夫然則風丞相御史者疑非音也

危自上起傷不及下故王氏之貴云云○按後書於此條問答字句稍有增損如危自上起二句後書倒載於王氏擅朝因竊位號之下又方今雄桀帶州城者皆無七國世業之資下後書節詩云皇矣上帝四句又王命論全文後書但載其目而不述其文也



是故劉氏承堯之祚氏族之世著乎春秋注師古曰  
謂士會歸晉云云○顧炎武曰左氏昭公二十九  
年傳陶唐氏既衰其後有劉累者學擾龍於豢龍  
氏以事孔甲如師古注則又其苗裔也

既諱爾以告象兮○按文選字句間有異同此諱字  
選作訊又上聖寤而後拔兮寤字選作迕又發還  
師以成性兮性字選作命又而三正而滅周周字  
選作姬又雖移盈然不忒選作雖移易而不忒又  
皓頤志而勿營勿營選作勿傾

潛神默記恒以年歲○按文選去此二句又煜雪其  
間者選作雪煜又說難既曾曾字選作遭又漢良  
受書於邳沂沂字選作圻又班輸權巧於斧斤選  
作摧巧注摧竭也

前漢書卷一百上考證

其書多... 卷第...

其書多... 卷第...

其書多... 卷第...

其書多... 卷第...

其書多... 卷第...

其書多... 卷第...

其書多... 卷第...

其書多... 卷第...

其書多... 卷第...

其書多... 卷第...

前漢書卷一百下

漢 蘭 臺 令 史班 固撰

唐正議大夫行秘書少監琅邪縣開國子顏師古注

敘傳第七十下

固以為唐虞三代詩書所及世有典籍故雖堯舜之

盛必有典謨之篇然後揚名於後世冠德於百王師古

也師古曰此篇論語載孔子美堯舜之言也故曰巍巍乎其有成功也煥乎其有文章

世史臣乃追述功德私作本紀師古曰謂武帝時編

於百王之末廁於秦項之列太初以後闕而不錄故

探纂前記綴輯所聞師古曰纂與撰同輯與集同以述漢書起于

高祖終於孝平王莽之誅十有二世二百三十年綜

其行事旁貫五經上下洽通師古曰固所撰諸表序及志經典之義在於是

前漢書卷一百下 敘傳

也為春秋考紀表志傳凡百篇師古曰春秋考紀古也而俗之學謂

不詳此乃云漢書考成也春秋考紀蓋失之矣○劉

紀表志傳非止於其敘曰諸師古曰自皇矣漢祖以下

本紀此亦依放史記之敘目耳史遷則云蓋避作者之

謂聖而取述者之謂明也但後之學不曉此為漢

漢書敘目見有述字因謂此文追述漢書之事乃呼為漢

皇矣漢祖纂堯之緒實天生德聰明神武秦人不綱

罔漏于楚師古曰言秦失綱維有害虐之心終免於患

也一說楚王陳涉爰茲發迹斷蛇奮旅神母告符朱

旗迺舉粵蹈秦郊嬰來稽首革命創制三章是紀應

天順民五星同晷師古曰晷景也項氏畔換黜我巴漢孟康曰畔

反也換易也不用義帝要換易與高祖漢中也師古

曰此說非也畔換強恣之貌猶言跋扈也詩大雅皇  
然矣篇曰無西土宅心戰士憤怒劉德曰宅居也西

繫心也書曰惟衆宅心晉灼曰西土關西也乘釁而高祖入關約法三章秦民大說皆宅心高祖也

運席卷三秦割據河山保此懷民師古曰保安也懷民懷德之人也

股肱蕭曹社稷是經爪牙信布腹心良平龔行天罰

赫赫明明述高紀第一

孝惠短世高后稱制罔顧天顯呂宗以敗劉德曰罔無也顧念

也顯明也言呂氏無念天之明述惠紀第二高后紀

第三

太宗穆穆允恭玄默化民以躬帥下以德農不供貢

皐不收孥張晏曰除民田租宮不新館陵不崇墓師古

曰墓合韻音謨我德如風民應如草師古曰論語稱孔子曰君子之德風小人之德

草也故引以為辭國富刑清登我漢道師古曰述文紀第四

孝景蒞政諸侯方命孟康曰尚書云方命圮族言鯨之惡壞其族類吳楚七國亦然

克伐七國王室以定匪怠匪荒務在農桑著于甲令

民用寧康景晉灼曰甲令甲也述景紀第五

世宗曄曄思弘祖業師古曰曄盛貌也曄咨熙載髦俊並作

師古曰曄誰也咨謀也熙興也載事也謀於衆賢誰可任用故能興其事業也作起也厥作伊

何百蠻是攘攘師古曰攘卻也恢我疆宇外博四荒師古曰恢廣也博大也

也武功既抗亦迪斯文劉德曰迪進也憲章六學統壹聖真

封禪郊祀登秩而神宋祁曰秩當作祭協律改正饗茲永年

張晏曰改正謂從建寅之月也述武紀第六

孝昭幼冲冢宰惟忠燕蓋講張實叡實聰如淳曰講音轉應劭

誑也張誑也臯人斯得邦家和同述昭紀第七

中宗明明夤用刑名鄧展曰夤敬也時舉傅納聽斷惟精李奇

曰時是也於是時也選用賢者師古曰傅讀曰敷虞書舜典曰敷納以言敷陳也謂有陳言者則納而用

之舉謂劉奉世曰時柔遠能邇煒燿威靈師古曰虞書

能邇柔安也音充善也故引龍荒慕朔莫不來庭孟康

祭天龍堆荒服沙幕也師古曰龍匈奴不顯祖烈尚於

有成也師古曰丕大述宣紀第八

孝元翼翼高明柔克師古曰翼翼敬也尚書洪範云

而當執柔乃能成德也敘賓禮故老優繇亮直師古

言元帝有柔克之姿也敘賓禮故老優繇謂寬外割禁囿內損御服

容也亮直謂朱雲也繇與由同外割禁囿內損御服

離宮不衛山陵不邑張晏曰不徙闔尹之些穢我明

德謂如淳曰任弘恭石顯使為政以病其治也師古曰

閉門者尹正也些與疵同○蕭該音義曰韋昭曰些作

推字云子爾反劉氏云推效也或言極也晉灼曰些作

見也盡也使為政以病其治也今述元紀第九

漢書本或誤作疵字或作些字

孝成煌煌臨朝有光威儀之盛如圭如璋壺闈恣趙

朝政在王也師古曰趙謂趙皇后及昭儀炎炎燎火亦

允不陽張晏曰天子盛威若燎火之陽今委政王氏

字作燎亦述成紀第十

字作光

前漢書卷一百下敘傳

三中華書局聚

孝哀彬彬克攢威神師古曰彬彬文質備也言哀帝

持其威神也字從手如淳曰攢執取也其彫落洪支底劇鼎臣服虔

屋落洪支廢退王氏也底致也周禮有屋誅誅朱博王嘉

音握服也晉灼曰劇刑也師古曰劇者厚刑謂重誅也

王雲非婉變董公惟亮天功大過之困實撓實凶應

曰以董賢為三公乃欲共成天功也易大過卦棟撓

凶言以小材而為棟梁不堪其任至於折撓而凶也

貢亮天曰婉變美貌也撓曲也尚書舜典曰述哀紀第十

孝平不造新都作宰不周不伊喪我四海師古曰造

業不成周頌曰閔予小子遭家不造故引之述平紀

第十二

漢初受命諸侯並政制自項氏十有八姓述異姓諸

侯王表第一



太祖元勳啓立輔臣支庶藩屏侯王並尊述諸侯王表第二

侯王之祉祚及宗子公族蕃滋支葉碩茂師古曰茂合韻音莫

反口述王子侯表第三

受命之初贊功剖符弈世弘業爵土迺昭師古曰贊功佐命之

功也弈述高惠高后孝文功臣侯表第四

景征吳楚武興師旅後昆承平亦有紹土師古曰言景武之時

以軍功故封侯者多昭宣以後雖承平尚有以勳獲爵土者也○宋祁曰監本浙本越本作亦猶有紹獲

述景武昭宣元成哀功臣侯表第五

亡德不報爰存二代應劭曰二代二王後也師古曰二代謂殷周也言德澤深遠故

宰相外戚昭躡見戒張晏曰躡是也明其是者

述外戚恩澤侯表第六

漢迪于秦有革有因劉德曰迪至也擗舉僚職並列其人灼晉

曰狷音龕狷之狷師古曰述百官公卿表第七

篇章博舉通于上下略差名號九品之敘述古今人

表第八

元元本本數始於一張晏曰數之一元本也產氣黃鍾造

計秒忽劉德曰秒禾芒也忽蜘蛛網細也八音七始五

聲六律劉德曰七始天地四方人之度量權衡歷算

道出師古曰道古也官失學微六家分乖劉德曰六家謂黃帝

顓頊夏殷壹彼壹此庶研其幾述律歷志第一

上天下澤春雷奮作劉德曰兌下乾上履坤下震上

作樂師古曰易象曰上天澤先王觀象爰制禮樂

厥後崩壞鄭衛荒淫風流民化泃泃紛紛師古曰言

下人則化也泃泃音莫踐反略存大綱以統舊文述禮

樂志第二

雷電皆至天威震耀五刑之作是則是效劉德曰震下離上噬

嗑利用獄雷電取象天威也師古曰易象辭曰雷電噬嗑先王以明罰敕法故引之威實輔德

刑亦助教季世不詳背本爭末師古曰不詳謂不盡用刑之理也周書呂

爾刑曰告吳孫狙詐申商酷烈音師古曰狙漢章九法太

宗改作張晏曰改除肉刑也輕重之差世有定籍述刑法志第

三

厥初生民食貨惟先割制廬井定爾土田什一供貢

下富上尊商以足用茂遷有無貨自龜貝至此五銖

揚摧古今監世盈虛師古曰揚舉也推引也揚推者舉而引之陳其趣也推音居學

反述食貨志第四

昔在上聖昭事百神類帝禋宗望秩山川明德惟馨

永世豐年季末淫祀營信巫史鄧展曰營惑也大夫臚岱侯

伯僭時鄭氏曰臚岱季氏旅於大山是也師古曰旅陳也

臚亦陳也臚旅聲相近其義一耳放誕之徒緣間而起師古曰謂方士言神仙之

術也瞻前顧後正其終始述郊祀志第五

炫炫上天縣象著明音胡曰炫炫光耀之貌日月周

輝星辰垂精百官立法宮室混成張晏曰星辰有宮室百官各應其象

以見谷降應王政景以燭形張晏曰王政失於此星

徵也三季之後厥事放紛師古曰三季三代之紛亂也舉其占應

覽故考新述天文志第六

河圖命庖洛書賜禹八卦成列九疇道敘李奇曰河圖

也洛書即洪範九疇也三代寔寶光演師古曰庖當作宓

文武春秋之占咎徵是舉告往知來王事之表述五

行志第七

坤作墜執高下九則張晏曰易曰地執坤劉德曰九

古曰墜古地字易象曰地執坤君子以厚自昔黃唐德載物高下謂地形也一曰地之肥瘠

經略萬國燮定東西疆理南北師古曰燮和也疆理

三代損益降及秦漢革刻五等制立郡縣音晉刻削之

述地理志第八音剪韋昭曰音初限反服虔曰刻略表山川彰其剖判

夏乘四載百川是導

代商竭周移秦決南涯解師古曰四載惟河為難災及後

也有一文陘棗野武作瓠歌於服虔曰陘音因文帝塞瓠

功不武帝親臨悼成有平年後遂滂沱河已平改元曰

國家述溝洫志第九

慮羲畫卦書契後作讀與伏同虞夏商周孔纂其業

纂書刪詩綴禮正樂與撰同纂象系大易因史立法

前漢書卷一百下敘傳

六中華書局聚

六

六

六

師古曰謂修春六學既登遭世罔弘師古曰罔無也

也秋定帝王之文羣言紛亂諸子相騰師古曰騰馳也秦人是滅漢修其缺

劉向司籍九流以別應劭曰儒道陰陽法名爰著目

錄略序洪烈師古曰洪大也述藝文志第十

上嫚下暴惟盜是伐師古曰易上繫辭云小人而乘

暴盜斯伐之矣引此勝廣燹起梁籍扇烈師古曰飛

熾也烈盛也燹音必遙反赫赫炎炎遂焚咸陽宰

割諸夏命立侯王誅嬰放懷詐虐以亡述陳勝項籍

傳第一

張陳之交游如父子攜手遂秦拊翼俱起應劭曰遂

言知將旦則鼓擊其翼而鳴也據國爭權還為豺虎

相吞噬也耳謀甘公作漢藩輔述張耳陳餘傳第

三枿之起本根既朽劉德曰詩云包有三枿爾雅曰

也喻魏齊韓皆滅而復起若髮謂木斫髡而復枿生

木更生也師古曰枿音五葛反枯楊生華曷惟其舊

應劭曰易云枯楊生華暫貴之意也曷惟其舊言不

能久也師古曰枯楊生華大過卦九五爻辭也舊合

韻音橫雖雄材伏于海陽沐浴尸鄉北面奉首旅人

慕殉義過黃鳥劉德曰黃鳥之詩刺秦穆公要人從

述魏豹田儋韓信傳第三

信惟餓隸布實黥徒越亦狗盜芮尹江湖張晏曰吳

令在江湖之間尹主也雲起龍襄化為侯王襄舉也割有齊楚

跨制淮梁張晏曰韓信前王齊徙楚縮自同閑鎮我

北疆應劭曰閑音扞盧縮與高祖同里楚名里門為

也楚德薄位尊非胙惟殃吳克忠信胤嗣迺長述韓彭

英盧吳傳第四

賈廩從旅為鎮淮楚張晏曰劉賈晚乃從軍也晉灼

曰廩無幾也師古曰二說皆非

前漢書卷一百下敘傳七中華書局聚

也塵古以為勤勞字言 澤王琅邪權激諸呂瀆之受吳

疆土踰矩法制也 雖戒東南終用齊斧張晏曰齊

以整齊天下也晉灼曰雖戒勿反而反竟用此 述荆

### 燕吳傳第五

太上四子伯兮早夭仲氏王代旂宅于楚師古曰詩

高祖兄伯兮及仲故引二句為之辭也 論 戊實淫缺平

陸迺紹與吳共反而誅文帝更立平陸侯禮續元王

浙後也 其在京弈世宗正師古曰

征音 劬勞王室用侯陽成子政博學三世成名師古曰

劉向名 述楚元王傳第六

季氏之詘辱身毀節信于上將議臣震栗張晏曰申

上將樊噲也欲以十萬眾橫行匈奴中布日 藥公哭

梁田叔殉趙見危授命誼動明主布歷燕齊叔亦相



魯民思其政或金或社李奇曰魯人愛田叔死送之以金齊貴樂布爲生立社

述季布樂布田叔傳第七

高祖八子二帝六王三趙不辜淮厲自亡燕靈絕嗣

齊悼特昌掩有東土自岱徂海支庶分王前後九子

六國誅斃適齊亡祀城陽濟北後承我國張晏曰濟北王志吳

楚反後徙王蓄川元朔中齊國絕悼惠王冢以與蓄川令奉

陽蓄川武帝乃割臨蓄環悼惠王冢以與蓄川令奉述高

五王傳第八

猗與元勳包漢舉信劉德曰包取也師古曰包漢謂勸高祖且王漢中也舉信舉韓

信也信合韻音新鎮守關中足食成軍營都立宮定制修文

平陽玄默繼而弗革師古曰革改也言曹參爲相守靜無爲一遵蕭何約束不變改

也民用作歌化我淳德漢之宗臣是謂相國述蕭何

曹參傳第九

留侯襲秦作漢腹心劉德曰襲秦惟始圖折武關解

隄鴻門疑師古曰圖折武關謂從沛公入武關說令為

推齊銷印毆致越信師古曰毆與驅同越彭越也信

韻也信合招賓四老惟寧嗣君陳公擾攘歸漢迺安師古

也音新人曰攘音斃范亡項走狄擒韓師古曰走狄謂解平城

也養反六奇既設我罔艱難罔無也安國廷爭致仕杜門

絳侯矯矯誅呂尊文亞夫守節吳楚有勳述張陳王

周傳第十

舞陽鼓刀滕公廐騶謂屠狗也穎陰商販曲周庸

夫攀龍附鳳並乘天衢乘師古曰述樊鄴滕灌傅靳周

傳第十一

北平志古司秦柱下師古曰志記也謂多定漢章程

律度之緒建平質直犯上千色師古曰周昌先封建

成侯蓋謂此也平字

當為成傳 廣阿之塵食厥舊德 張晏曰任敖也吏遇

吏也師古曰塵亦勤字也易訟卦 故安執節責通請

錯蹇蹇帝臣匪躬之故 師古曰易蹇卦六二爻辭曰

屠嘉召責鄧通請誅晁錯皆 述張周趙任申屠傳第

十二

食其監門長揖漢王晝襲陳留進收敖倉塞隘杜津

王基以張 謂說古曰杜塞白馬津 賈作行人百越來賓從

容風議博我以文 李奇曰作新語也師古曰論語稱

以文章開博我也此言陸賈嘗 敬繇役夫遷京定都

師古曰繇音千容反風讀曰諷 中外和匈奴叔孫奉

常與時抑揚稅介免胄禮義是創 師古曰創始造之也介

創合韻音 或愆或謀觀國之光 師古曰詩小雅小旻

初良反 觀國之光 利用賓于王故合而為言 述酈陸朱婁叔

前漢書卷一百下 敘傳 九中華書局聚

孫傳第十三師古曰本傳作朱劉終書其賜

淮南僭狂二子受殃安辯而邪賜頑以荒敢行稱亂

窘世薦亡師古曰窘仍也薦讀曰荐荐再述淮南衡

山濟北傳第十四

蒯通壹說三雄是敗覆酈驕韓田橫顛沛被之拘繫

迺成患害師古曰言伍被初不從王反王繫充躬罔

極交亂弘大師古曰小雅青蠅之詩云讒言罔極交

也為辭述蒯伍江息夫傳第十五

萬石温温幼寤聖君此鄧展曰爾雅寤逢遇也師古曰

謂寤也祖詩以見識拔也爾雅云選遇也非宜爾子孫天

天伸伸師古曰詩稱孔子燕居伸伸如也天子孫振

和舒之貌此言萬石子孫既多又皆慶社于齊不言

動民鄧展曰慶為齊也衛直周張淑慎其身師古曰衛

篇曰終温且惠淑慎其身淑也引此詩言以美四人也述萬石衛直周張傳第

十六

孝文三王代孝二梁師古曰代孝王武梁懷王揖懷折亡嗣

孝乃尊光師古曰折謂天也內為母弟外扞吳楚怙

寵矜功僭欲失所思心既霧牛既告妖師古曰霧僭

五行志帝庸親親厥國五分師古曰庸用也用親親

孝王男五人為王太子買為梁王次子明為濟川德

不堪寵四支不傳晉灼曰支謂父母之支也師古曰

王者皆絕於身不傳亂嗣唯梁述文三王傳第十七

賈生矯矯弱冠登朝師古曰矯矯高舉遭文叡聖屢

抗其疏暴秦之戒三代是據建設藩屏以強守圉師古曰

韻音御吳楚合從賴誼之慮師古曰勸文帝大封梁

音西也從述賈誼傳第十八淮陽梁卒距吳楚不得

子絲慷慨激辭納說師古曰爰盜字絲此加于檻轡

正席顯陳成敗師古曰檻執取也其錯之瑣材智小

謀大師古曰易下繫辭曰德薄而位尊智小而謀大

既如發機先寇後害楚師古曰發機言其速也吳述爰

盜鼂錯傳第十九

釋之典刑國憲以平馮公矯魏增主之明張晏曰矯

尚也師古曰張說非長孺剛直義形于色下折淮南

上正元服師古曰淮南王謀反憚黯正直武帝不冠

也故謂冠莊之推賢於茲為德述張馮汲鄭傳第二

十

榮如辱如有機有樞劉德曰易曰樞機之發榮辱之

自下摩上惟德之隅師古曰惟德之隅言有廉隅也抑

也敘言賈山直詞刺上亦為方正賴依忠正君子采諸

師古曰述賈鄒枚路傳第二十一

魏其翩翩好節慕聲自師古曰貌翩翩灌夫矜勇武安驕

盈凶德相挺極也淮南子曰陶人之化宋忠曰挺植許慎曰挺抑也太

聲類曰挺植以爲器安國壯趾王恢兵首孟康曰挺取也

老安國曰挺植以爲器安國壯趾王恢兵首孟康曰挺取也

死此爲不臨當爲丞相董車蹇後爲將多所傷失而憂

九交辭也壯傷也董車蹇後爲將多所傷失而憂

也師古曰彼韓安國也謀兵人咎也述寶田灌韓傳第二十

二

景十三王承文之慶師古曰言景帝庸主耳所以子

韻音獅合魯恭館室江都師古曰言景帝庸主耳所以子

義曰蘇林曰鈔音少年樵薄趙敬險師古曰言景帝庸主耳所以子

毀鈔息憲之鈔如淳音樵薄趙敬險師古曰言景帝庸主耳所以子

前漢書卷一百下敘傳十二中華書局聚

亮常山驕盈

如淳曰亮信也聞淮南謀反作戰具守備後辭及之發病死是為不信於漢朝

四國絕祀河間賢明

李奇曰臨江哀王闕臨江閔王榮膠西于王端清河哀王乘皆

無子禮樂是修為漢宗英述景十三王傳第二十三

李廣恂恂實獲士心控弦貫石威動北隣

師古曰北隣謂匈奴

也躬戰七十遂死于軍敢怨衛青見討去病陵不引

決忝世滅姓

師古曰忝辱也

蘇武信節不詘王命

師古曰信讀曰申

述李廣蘇建傳第二十四

長平桓桓上將之元

師古曰桓桓武貌也元首也

薄伐獫狁恢我

朔邊

師古曰恢廣也

戎車七征衝鞬閑閑

鄧展曰鞬音彭也師古曰鞬音彭

合圍單于北登闐顏票騎冠軍焱勇紛紜

師古曰焱音紛

紜然盛也

長驅六舉電擊雷震

師古曰六舉凡六出擊匈奴也震合韻音之入反

飲馬翰海封狼居山西規大河列郡祁連

張晏曰置郡至祁連

山述衛青霍去病傳第二十五



抑抑仲舒再相諸侯師古曰抑爾雅也身修國治致仕縣

車下帷覃思論道屬書師古曰抑密也反讜言訪對為世純

儒謂師古曰讜善言也對述董仲舒傳第二十六

文豔用寡子虛烏有寓言淫麗託風終始師古曰寓寄也風讀

日多識博物有可觀采蔚為辭宗賦頌之首師古曰蔚文采

音盛也音鬱也述司馬相如傳第二十七

平津斤斤晚躋金門師古曰斤斤明察也既登爵

位祿賜頤賢師古曰頤養也謂引招賢人也布衾疎

食用儉飭身師古曰飭謹也卜式耕牧以求其志忠寤

明君迺爵迺試兒生蠶束髮修學師古曰蠶勉也偕列

名臣從政輔治述公孫弘卜式兒寬傳第二十八

張湯遂達用事任職媚茲一人日盱忘食師古曰武詩

之篇曰媚茲一人應侯慎德於天子既成寵祿亦

前漢書卷一百下敘傳十一中華書局聚

罹咎慝安世温良塞淵其德師古曰詩鄴風燕燕之

淵淵深也塞實也謂其德既實且深也此敘言子孺亦有之子孫遵業全祚保國

述張湯傳第二十九

杜周治文唯上淺深師古曰言觀用取世資幸而免

身延年寬和列于名臣欽用材謀有異厥倫師古曰倫類也

言異其述杜周傳第三十

博望杖節收功大夏貳師秉鉞身覺胡社李奇曰李

之以血塗社也師古曰釁者以血祭耳非塗之血也致死為福每生作既師古

貪也張騫致死封侯李廣利求生而死也述張騫李廣利傳第三十一

嗚呼史遷薰胥以刑從晉灼曰齊韓魯詩作薰薰帥也

以鋪胥相也鋪編小雅雨無正之篇曰若此無罪淪胥

率編得罪也韓詩淪字作薰薰者謂相薰蒸亦漸及

必義曰章昭曰腐刑幽而發憤迺思迺精錯綜羣言古

今是經勒成一家大略孔明師古曰甚也述司馬遷傳第

三十二

孝武六子昭齊亡嗣如淳曰昭帝及齊王無嗣燕刺

謀逆廣陵祝詛昌邑短命昏賀失據戾園不幸宣承

天序師古曰序合韻音似豫反述武五子傳第三十三

六世耽耽其欲泚泚師古曰泚泚欲利之貌也泚泚泚音滌今易泚字作逐○泚泚欲利之貌也泚泚泚音滌今易泚字作逐○泚泚欲利之貌也

泚泚泚音滌今易泚字作逐○泚泚欲利之貌也泚泚泚音滌今易泚字作逐○泚泚欲利之貌也泚泚泚音滌今易泚字作逐○泚泚欲利之貌也

泚泚泚音滌今易泚字作逐○泚泚欲利之貌也泚泚泚音滌今易泚字作逐○泚泚欲利之貌也泚泚泚音滌今易泚字作逐○泚泚欲利之貌也

泚泚泚音滌今易泚字作逐○泚泚欲利之貌也泚泚泚音滌今易泚字作逐○泚泚欲利之貌也泚泚泚音滌今易泚字作逐○泚泚欲利之貌也

庸四克文晉武之臣是並用克開四方也助偃淮南數

子之德不忠其身善謀於國師古曰淮南謂淮南王

也越述嚴朱吾丘主父徐嚴終王賈傳第三十四

東方瞻辭詼諧倡優師古曰恢譏苑扞偃正諫舉郵師古

曰郵與尤同尤過也懷肉汗殿弛張沈浮述東方朔傳第三十

五

葛繹內寵屈釐王子師古曰公孫賀妻衛也千秋時發

宜春舊仕張晏曰千秋訟衛太子寃發言敞義依霍

庶幾云已幾如淳曰若此古人等無益於治可為庶弘惟

政事萬年容已咸睡厥誨孰為不予述公孫劉田楊

王蔡陳鄭傳第三十六

王孫羸葬建迺斬將雲廷訐禹福逾刺鳳師古曰是

謂狂狷敞近其衷師古曰衷中也論語稱孔子曰不

朱雲以上蓋狂狷耳云敞反之述楊胡朱梅云傳第三

十七

博陸堂堂受遺武皇師古曰論語稱曾子曰堂堂乎

之擁毓孝昭末命導揚劉德曰武帝臨終之命遭家

不造立帝廢王權安社稷配忠阿衡懷祿耽寵漸化

不詳陰妻之逆至子而亡師古曰陰謂稔侯狄孛虔

恭忠信師古曰狄孛音姪信合韻音新弈世載德賄于

子孫師古曰賄音弋述霍光金日磾傳第三十八

兵家之策惟在不戰營平皤皤立功立論皤皤古曰皤

也音蒲以不濟可上諭其信師古曰春秋左氏傳晏

何反帝可而有不焉臣獻其不以成其可此敘言宣武賢父

子虎臣之俊述趙充國辛慶忌傳第三十九

義陽樓蘭長羅昆彌安遠日逐義成郅支陳湯誕節

救在三愆師古曰三愆謂劉向谷永耿育皆訟救會

宗勤事疆外之桀述傅常鄭甘陳段傳第四十

不疑膚敏應變當理劉德曰膚美也敏疾也言於闕

師古曰詩大雅文王之篇曰殷辭辭霍不婚逡遁致仕

師古曰通疏克有終散金娛老定國之祚于其仁考

廣德當宣近於知恥晉灼曰當宣帝時始仕至元帝

為知恥師古曰此說非也當為平當也宣彭宣也言

廣德平當彭宣三人不苟於祿位並為知恥也本傳

贊曰薛廣德保懸車之榮平當逡巡有述雋疏于薛

平彭傳第四十一

四皓遜秦古之逸民不營不拔嚴平鄭真應劭曰爵

其志威武不能屈其身也易曰不可榮以祿吉困于

賀澶而不緇禹既黃髮以德來仕師古曰論語稱孔

而不緇澶汗泥也其色不變也緇黑色也言天性潔白

者雖處汗澶之中其色不變也緇合韻音側仕反

舍惟正身勝死善道郭欽蔣詡近遜之好應劭曰易

子吉言遭暴亂之世好以述王貢兩龔鮑傳第四十  
二 扶陽濟濟聞詩聞禮玄成退讓仍世作相師古曰漢

之宗廟叔孫是謨革自孝元諸儒變度如淳曰造迭

古曰謨謀也國之誕章博載其路憲章之曰誕大也謂

載合韻音慕述韋賢傳第四十三

高平師師惟辟作威圖黜凶害天子是毗鄧展曰師

也師古曰尚書洪範云惟辟作威言威權者唯人君

得作之耳詩小雅節南山之篇曰尹氏太師惟周之

氏秉國之鈞四方是維天子是毗言大臣之職輔佐

天子者也此敘言魏相欲崇君道而黜私權故引書

詩以爲博陽不伐含弘光大天誘其衷慶流苗裔述

魏相丙吉傳第四十四

占往知來幽贊神明師古曰易上繫辭曰神之知來

也說卦曰昔者聖人之道助以成教故爲著卜也苟

非其人道不虛行師古曰道非其人之辭也學微術

昧或見仿佛疑殆匪闕違衆迕世師古曰多聞語稱孔

謂其餘則寡尤多見闕殆慎行其則餘疑殆悔禍難

前漢書卷一百下敘傳 五 中華書局聚

也淺為尤悔深作敦害師古曰尤過也敦厚也迷眊兩夏侯京

翼李傳第四十五

廣漢尹京克聰克明延壽作翊既和且平矜能訂上

俱陷極刑翁歸承風帝揚厥聲張晏曰受任為右扶風卒宜帝下詔褒揚

百斤金敞亦平平文雅自贊師古曰贊助也以平讀曰便便辯也

文一說贊進也以尊實赳赳邦家之彥師古曰赳赳材貌也音糾

章死非臯士民所歎述趙尹韓張兩王傳第四十六

寬饒正色國之司直豐繁好剛輔亦慕直師古曰緊是也音烏

反奚皆陷狂狷不典不式師古曰典經也崇執言責隆持

官守如淳曰崇為尚書僕射是言責之官也哀帝及

武庫兵不宜以給董寶曲定陵並有立志鄧展曰孫寶曲撓定

賢家此為持官守也立何並述蓋諸葛劉鄭毋將孫

何傳第四十七師古曰本傳毋將隆在孫寶下



長情懞懞覲霍不舉蘇林曰懞懞行步安舒也師古曰不肯露索而見霍光故不得

大官也懞音弋於反遇宣迺拔傳元作輔不圖不慮見躓石許

師古曰詩小雅雨無正之篇云旻天疾威不慮不圖也慮思也圖謀也言幽王見天之威不思謀也此敘

言望之思謀不詳卒為石顯及許史所顛述蕭望之

傳第四十八

子明光光發迹西疆列於禦侮厥子亦良述馮奉世

傳第四十九

宣之四子淮陽聰敏師古曰敏疾舅氏蘧蔭幾陷大

理師古曰蘧蔭口柔觀人顏色而為辭佞者也言淮陽憲王舅張博為諂辭幾陷王於大罪也蘧音渠

蔭音除幾反楚孝惡疾東平失軌師古曰惡疾謂眚音鉅依反中

山凶短母歸戎里張晏曰戎氏女也元之二王孫後大

宗孟康曰謂昭而不穆大命更登有父無子張晏曰

大命帝位也師古述宣元六王傳第五十

樂安褒褒古之文學師古曰褒盛貌也音弋民具

爾瞻困于二司師古曰詩小雅瞻言師尹之任位尊職

重下所瞻望而乃為不善乎深責之也此敘言匡衡

失德不終相位故引以為辭耳二司者司隸校尉王

尊劾奏衡進奏石顯揚著先帝任用傾覆之臣司隸

校尉王駿劾奏衡專地盜土也司合韻音先寺反

安昌貨殖朱雲作棋晉灼曰棋醜也師古曰朱雲廷

音丘吏反博山敦慎受莽之疚師古曰疚病也孔光

以病其德行也述匡張孔馬傳第五十一

樂昌篤實不撓不詘遘閔既多是用廢黜師古曰詩

遘閔既多受侮不少遘遇也閔病也謂見病武陽殷

勤輔導副君既忠且謀饗茲舊勳高武守正因用濟

身師古曰言傳喜不阿述王商史丹傳喜傳第五十

二

高陽文法揚鄉武略政事之材道德惟薄位過厥任

鮮終其祿師古曰鮮少博之翰音鼓妖先作劉德曰翰

音登于天貞凶上九處非其位亢極故何可長也位

在上高故曰翰音博拜時聞有鼓聲也師古曰翰音

飛而自鳴喻居非其位聲過其實也述薛宣朱博傳

第五十三 高陵修儒任刑養威用合時宜器周世資義得其勇

如虎如貔進不跬步宗為鯨鯢師古曰半步曰述翟

方進傳第五十四

統微政缺災眚屢發永陳厥咎戒在三七鄴指丁傅

略窺占術述谷永杜鄴傳第五十五

哀平之卹丁傅莽賢武嘉戚之乃喪厥身高樂廢黜

咸列貞臣述何武王嘉師丹傳第五十六

淵哉若人實好斯文初擬相如獻賦黃門輟而覃思

草法纂玄師古曰輟止也纂與撰同言止不斟酌六

前漢書卷一百下敘傳 主一中華書局聚

經放易象論師古曰放音甫也論語也潛于篇籍以章厥身師古

曰章明也述揚雄傳第五十七

獷獷亡秦滅我聖文師古曰獷音獷又音九永反無漢

存其業六學析分是綜是理是綱是紀師徒彌散著

其終始謂分派也述儒林傳第五十八

誰毀誰譽譽其有試師古曰誰毀誰譽如有所譽其有所於

試而知故引以爲辭也泯泯羣黎化成良吏師古曰黎衆也

之言羣衆無知從吏之化而成俗也淑人君子時同功異沒世遺愛民

有餘思述循吏傳第五十九

上替下陵姦軌不勝猛政橫作刑罰用興曾是強圉

培克爲雄師古曰培克強圉強梁禦善也培克好聚斂克害

於下也言任用此人爲虐報虐以威殃亦凶終師古曰

刑曰皇帝哀矜庶戮之不辜報虐以威言哀閔不述

酷吏傳第六十

四民食力罔有兼業大不淫侈細不匱乏蓋均無貧

遵王之法

師古曰論語稱孔子曰蓋均無貧言為政平均不相陵奪則無匱乏之人也故引之

靡法靡度民肆其詐

肆極也曰

偏上并下

荒殖其貨

師古

曰荒大也

侯服玉食敗俗傷化

張晏曰玉食珍食也

述貨殖傳第六

十一

開國承家有法有制家不臧甲國不專殺

師古曰殺合韻音所

反例矧乃齊民作威作惠

師古曰矧況也齊民齊等之人也

如台不匡

禮法是謂

如淳曰台我也我國家也師古曰匡正也台音怡

述游俠傳第六

十二

彼何人斯竊此富貴營損高明作戒後世

師古曰詩小雅巧言

之篇刺讒人也其詩曰彼何人斯居河之糜賤而惡之也此敘亦深疾佞幸之人故引詩文以譏之營惑也

述佞幸傳第六十三

於惟帝典戎夷猾夏師古曰於載舜命咎繇作士戒之曰

蠻夷猾夏猾亂也夏諸夏也於讀曰烏周宣攘之亦列風雅師古曰宗

幽既昏淫于褒女師古曰宗幽幽戎敗我驪遂亡師古曰宗

鄯張晏曰申侯與戎共伐周敗於驪大漢初定匈奴

強盛圍我平城寇侵邊境師古曰境至于孝武爰赫

斯怒王師雷起霆擊朔野師古曰霆疾宣承其末迺

施洪德震我威靈五世來服師古曰自宣王莽竊命

是傾是覆備其變理為世典式述匈奴傳第六十四

西南外夷種別域殊南越尉佗自王番禺攸攸外寓

閩越東甌師古曰攸爰泊朝鮮燕之外區漢興柔遠

與爾剖符師古曰柔安也皆恃其岨乍臣乍驕孝武

行師誅滅海隅述西南夷兩越朝鮮傳第六十五

西戎即序夏后是表張晏曰表外也禹就敘以為外國也師古曰此說非也表明也

明以德周穆觀兵荒服不旅張晏曰觀示也旅陳王也

化也以不享征之是也漢武勞神圖遠甚勤王師驛驛致

誅大宛鄭氏曰驛驛盛也師古曰此說非也小雅四

貌人馬勞則喘也驛音它丹反西姁姁公主迺女烏孫

孟康曰姁音題姁姁也魏詩葛屨之篇曰好非也姁

音上支反姁音姁姁姁也魏詩葛屨之篇曰好非也姁

反言漢以好女配烏孫也使命迺通條支之瀕日瀕

涯音賓頻昭宣承業都護是立總督城郭三十有六

詭矣禍福刑于外戚福師古曰詭違也言禍高后首命

呂宗顛覆薄姬碌魏宗文產德如淳曰薄姬在魏許

聞負言不與漢遂禽而竇后違意考盤于代詩衛風

死也師古曰碌古墜字盤樂也此敘言竇姬王氏及微

初欲適趙而向代違其本意卒以成樂也王氏及微

世武作嗣子夫既興扇而不終扇古曰鈎弋憂傷孝

昭以登上官幼尊類禡厥宗禮應劭曰詩云是類是禡

之類告以事類也至所征伐之地表而祭之謂之禡

也幼尊貴家族以惡逆誅滅史梯王悼身遇不祥及宣

響國二族後光恭哀產元天而不遂邛成乘序履尊

三世張晏曰至成帝乃崩也飛燕之妖禍成厥

妹丁傅僭恣自求凶害中山無辜乃喪馮衛馮昭儀

中山孝王母也為傅氏所陷衛惠張景薄武陳宣霍

成許哀傅平王之作事雖歆羨非天所度起也度居

也言惠帝至平帝王皇后七人時雖處尊位人心怨

咎若茲如何不恪恪師古曰述外戚傳第六十七

元后娠母月精見表娠音古身曰遭成之逸政自諸舅

曰言成帝貪自逸陽平作威誅加卿宰師古曰謂王

成都煌煌假我明光煌古曰煌曲陽歆歆亦朱其堂



師古曰歎歎氣反新都亢極作亂以亡述元后傳六十

八 咨爾賊臣篡漢滔天行驕夏癸虐烈商辛張晏曰桀名癸紂名

辛 偽稽黃虞繆稱典文稽師古曰稽考也衆怨神怒惡復誅臻

張晏曰復周也臻至也十二歲歲星一復莽稱帝十

三歲而見誅也左氏傳曰美惡周必復師古曰復音

反扶目 百王之極究其姦昏述王莽傳第六十九

凡漢書敘帝皇張晏曰十列官司建侯王張晏曰百

表也王 準天地統陰陽張晏曰陰陽五行志也闡元

極步三光張晏曰闡大極也元始也極至也三光日月

律歷 分州域物土疆張晏曰溝洫志也窮人理該萬方張

志也 曰人理古今人表萬方謂郊祀志 緯六經綴道綱張

及古雅訓之語 正文字惟學林師古曰函雅故通古今張晏

前漢書 卷一百下 敘傳 子一中華書局聚

志列傳備有天地鬼神人事政治道德術藝文章  
述而而言之盡在漢書耳亦不皆如張氏所說也

# 敘傳第七十

## 前漢書卷一百下

前漢書卷一百下考證

爲春秋考紀表志傳凡百篇注師古云云○劉奉世云云○臣召南按奉世糾師古之違似非也李賢注後書引前書音義曰春秋考紀謂帝紀也言考覈時事具四時以立言如春秋之經較師古注尤明不必以成訓考也

賓禮故老優繇亮直注亮直謂朱雲也○臣召南按顏注誤朱雲折檻事在成帝時此言元帝聽貢禹之言外割禁囿內損御服云爾連下二句讀其義自明賓禮故老謂于定國韋元成薛廣德之屬也述異姓諸侯王表第一○按南史云劉之遴所校真本本紀及表志列傳相合爲次總成三十八卷與今本異

自茲距漢北亡八支○臣召南按此則八支湮塞在秦漢之間矣緯書謂齊桓公塞八支以自廣終無所據

成有平年注韋昭曰王延八世塞之○按舊本誤衍

八字當云王延世塞之

信惟餓隸布實黥徒越亦狗盜芮尹江湖雲起龍襄  
化爲侯王○臣召南按劉之遴所校真本云淮陰  
毅毅伏劍周章邦之傑兮實維英彭仕爲侯王雲  
起龍驤與今本大異以理推之邦字是高祖諱又  
信越布後並誅滅史官安得盛稱其美必好事者  
爲之也又按之遴言真本高五子文三王景十三  
王孝武六子宣元六王悉次外戚下外戚次帝紀  
下如所云是十二紀之後卽次外戚傳諸王傳矣  
其然豈其然乎

賈作行人百越來賓從容風議博我以文注師古云  
云○臣召南按師古謂從容二句亦指使越非也  
此二句指賈著新語每奏一篇高祖稱善李奇說  
得之

前漢書敘例

唐正議大夫行秘書少監琅邪縣開國子顏師古撰

儲君體上哲之姿膺守器之重俯降三善博綜九流  
觀炎漢之餘風究其終始懿孟堅之述作嘉其宏贍  
以爲服應曩說疎紊尙多蘇晉衆家剖斷蓋尠蔡氏  
纂集尤爲抵牾自茲以降蔑足有云悵前代之未周  
愍將來之多惑顧召幽仄俾竭芻蕘匡正睽違激揚  
鬱滯將以博喻胄齒遠覃邦國弘敷錦帶啓導青衿  
曲稟宏規備蒙嘉惠增榮改觀重價流聲斗筲之材  
徒思罄力駑蹇之足終慙遠致歲在重光律中大呂  
是謂涂月其書始就不耻狂簡輒用上聞粗陳指例  
式存揚摧

漢書舊無注解唯服虔應劭等各爲音義自別施行

至典午中朝爰有晉灼集為一部凡十四卷又頗以  
意增益時辯前人當否號曰漢書集注屬永嘉喪亂  
金行播遷此書雖存不至江左是以爰自東晉迄于  
梁陳南方學者皆弗之見有臣瓚者莫知氏族考其  
時代亦在晉初又總集諸家音義稍以己之所見續  
廁其末舉駁前說喜引竹書自謂甄明非無差爽凡  
二十四卷分為兩帙今之集解音義則是其書而後  
人見者不知臣瓚所作乃謂之應劭等集解王氏七  
志阮氏七錄並題云然斯不審耳學者又斟酌瓚姓  
附著安施或云傅族既無明文未足取信蔡謨全取  
臣瓚一部散入漢書自此以來始有注本但意浮功  
淺不加隱括屬輯乖舛錯亂實多或乃離析本文隔  
其辭句穿鑿妄起職此之由與未注之前大不同矣

謨亦有兩三處錯意然於學者竟無弘益

漢書舊文多有古字解說之後屢經遷易後人習讀以意刊改傳寫既多彌更淺俗今則曲覈古本歸其真正一往難識者皆從而釋之

古今異言方俗殊語末學膚受或未能通意有所疑輒就增損流遞忘返穢濫實多今皆刪削克復其舊諸表列位雖有科條文字繁多遂致舛雜前後失次上下乖方昭穆參差名實虧廢今則尋文究例普更刊整澄蕩愆違審定阡陌就其區域更爲局界非止尋讀易曉庶令轉寫無疑

禮樂歌詩各依當時律呂修短有節不可格以恆例讀者茫昧無復識其斷章解者支離又乃錯其句韻遂使一代文采空韞精奇累葉鑽求罕能通習今並

隨其曲折剖判義理歷然易曉更無疑滯可得諷誦  
開心順耳

凡舊注是者則無閒然具而存之以示不隱其有指  
趣略舉結約未伸衍而通之使皆備悉至於詭文僻  
見越理亂真匡而矯之以祛惑蔽若汎說非當蕪辭  
競逐苟出異端徒爲煩冗祗穢篇籍蓋無取焉舊所  
闕漏未嘗解說普更詳釋無不洽通上考典謨旁究  
蒼雅非苟臆說皆有援據六藝殘缺莫覩全文各自  
名家揚鑣分路是以向歆班馬仲舒子雲所引諸經  
或有殊異與近代儒者訓義弗同不可追駁前賢妄  
指瑕類曲從後說苟會扁塗今則各依本文敷暢厥  
指非不考練理固宜然亦猶康成注禮與其書易相  
侑元凱解傳無係毛鄭詩文以類而言其意可了爰



自陳項以訖哀平年載既多綜緝斯廣所以紀傳表  
志時有不同當由筆削未休尙遺秕稗亦爲後人傳  
授先後錯雜隨手率意遂有乖張今皆窮波討源構  
會甄釋

字或難識兼有借音義指所由不可暫闕若更求諸  
別卷終恐廢於披覽今則各於其下隨卽翻音至如  
常用可知不涉疑昧者衆所共曉無煩翰墨

近代注史競爲該博多引雜說攻擊本文至有詆訶  
言辭倚撫利病顯前修之紕僻騁己識之優長乃效  
矛盾之仇讎殊乖粉澤之光潤今之注解翼贊舊書  
一遵軌轍閉絕岐路

諸家注釋雖見名氏至於爵里頗或難知傳無所存  
具列如左

荀悅字仲豫潁川人後漢祕書監撰漢紀三十卷其

人祁曰景祐闕余靖校本注末有後

服虔字子慎滎陽人後漢尚書侍郎高平令九江太

守初名重改名

應劭字仲瑗一字仲瑗汝南南頓人後漢蕭令御史

營令泰山太守

伏儼字景宏琅邪人

劉德北海人

鄭氏晉灼音義序云不知其名而臣瓚集解輒云鄭

德既無所據今依晉灼但稱鄭氏耳○宋祁曰景

云鄭氏舊傳晉灼集注云北海人不知其名而臣瓚以為鄭德今書但稱鄭氏

李斐不詳所出郡縣

李奇南陽人

鄧展南陽人魏建安中爲奮威將軍封高樂鄉侯

文穎字叔良南陽人後漢末荊州從事魏建安中爲

甘陵府丞

張揖字稚讓清河人一云河魏太和中爲博士止解

相如傳

蘇林字孝友陳留外黃人魏給事中領祕書監散騎

常侍永安衛尉太中大夫黃初中遷博士封安成

亭侯○宋祁曰景祐余靖校本孝友字下

張晏字子博中山人

如淳馮翊人魏陳郡丞

孟康字公休安平廣宗人魏散騎侍郎弘農太守領

典農校尉勃海太守給事中散騎常侍中書令後

轉爲監封廣陵亭侯

項昭不詳何郡縣人

韋昭字弘嗣吳郡雲陽人吳朝尚書郎太史令中書

郎博士祭酒中書僕射封高陵亭侯

晉灼河南人晉尚書郎

劉寶字道真高平人晉中書郎河內太守御史中丞

太子中庶子吏部郎安北將軍

侍皇太子講漢書別有駁義○宋祁

曰景祐余靖校本云劉寶字道

臣瓚不詳姓氏及郡縣

○宋祁曰景祐余靖校本云

序云莫知姓氏韋稜續訓又言未詳而劉孝標類

苑以爲于瓚酈元注水經以爲薛瓚姚察訓纂云

案庚翼集于瓚爲翼主簿兵曹參軍後爲建威將

軍晉中興書云翼病卒而大將于瓚等作亂翼長

史江彪誅之于瓚乃是翼將不載有注因解漢書然

瓚所采衆家音義自服虔孟康以外並因晉亂湮

滅不傳江左而高紀中瓚案茂陵書文紀中案漢

祿秩令此二書亦復亡失不得過江明此瓚是晉

書漢朝人未喪亂之前故得具其先輩音義及茂陵

書今之注也。若謂為于瓚，乃是東晉人年代。前目了不相會。此瓚非于足可知矣。又案穆天子傳，日錄云：「祕書校書郎中傅瓚校古文穆天子傳，日穆天子傳者，汲縣人不準盜發古文穆天子傳，日疑是傅瓚所案多引汲書，以駁衆家訓義。此瓚耳。」既無明文未足取信。

郭璞字景純，河東人。晉贈弘農太守。

止注相如傳序及游獵詩賦。

蔡謨字道明，陳留考城人。東晉侍中、五兵尚書、太常

領祕書監、都督徐兗青三州諸軍事、領徐州刺史。

左光祿大夫、開府儀同三司、領揚州牧、侍中、司徒

不拜，贈侍中、司空、諡文穆公。

崔浩字伯深，清河人。後魏侍中、特進、撫軍大將軍、左

光祿大夫、司徒、封東郡公。

撰荀悅漢紀音義。○宋祁曰：景祐校本作字伯淵。

淵

張新大夫同封樞密公卿相繼統帥

謝崇寧帥采葛兩人封護封中封並燕軍大謀軍大

不孫朝封封百空錢文德公

古光輝大夫相承封司王國壽封代封封中后封

餘輝善蓋潘管封空青三封將軍封給封陳文

蔡美字龍即刺登參叔人東晉封中王吳少壽太壽

得美字景餘而東人晉漢德壽太守

...

...

...

...

...

前漢書敘例考證

儲君體上哲之姿云云○臣召南按顏師古因太子承乾之命注釋漢書故此序首言儲君其書成於貞觀十五年歲在辛丑故曰歲在重光也

苟會局塗○監本別本俱訛作局塗非也今從古本改

諸家注釋雖見名氏云云臣浩按此另爲一條監本接連前文非是今提行寫

魏建安中○顧炎武日知錄曰敘例列姓氏鄧展文穎下並云魏建安中建安乃獻帝年號雖政出曹氏不得遽名以魏臣召南按日知錄說是又文穎魏建安中爲甘陵府丞按兩漢無府丞官名甘陵改自安帝或如續志太常屬官每陵園令各一人丞及校長各一人則文穎爲甘陵丞不得云爲甘陵府丞也

清河人一云河間人○河間訛阿間今改正臣召南按師古所列諸家名氏自荀悅至崔浩共二十三

人而監本載宋景祐時余靖上言總先儒注解名  
姓可見者三十五人蓋三十五條二十三傳寫之  
訛也不然宋祁謂諸家名氏已附注顏師古敘例  
之下益不可解矣

前漢書敘例考證



侍讀臣召南謹言史之良首推遷固固才似若不及遷者然其整齊一代之書文贍事詳與遷書異曲同工要非後世史官所能及故其書初成學者卽已莫不諷誦服虔應劭而下解釋音訓不異注經更魏晉至唐初名家磊落相望而顏師古注折其衷論者以比杜征南注左傳稱爲班氏忠臣不謬也自唐以前書皆手寫而校對極精譌脫相承無過數處其有板本自宋淳化中命官分校三史始也雕板染印日傳萬紙於人甚便人間摹刻以市易者滋多彼此沿襲莫識由來輾轉失真烏焉成馬故書有板本而讀者甚易亦自有板本而校者轉難固其勢然也以人人所共習之漢書又經師古注釋旨趣畢顯校者似易爲力乃自淳化歷景德景祐熙寧百年之中三經覆校當時名儒碩學刁衍冕迥余靖王洙所奏刊正增損之條累百盈千積成卷帙三劉刊誤又別爲書陳繹是正文字又

在宋祁之後亦足以徵善本難得在北宋時已然矣況自宋至明刻本愈雜學士家校讎之精遠不如北宋以前者哉若國子監所存明人舊板於顏注所引二十三家之說十刪其五於慶元所附三劉宋祁諸家之說十存其一卽本書正文字句亦多譌脫則尤板本中至陋者已夫古人撰述旣博不無失檢紀表志傳或彼此乖違郡國官名或後先錯出如高紀書太上皇后書丞相噲將兵文紀書內史欒布景紀書御史大夫青翟書三輔舉不如法者宣紀書元康元年復高帝功臣後之類皆本書自誤非關後人至如地理溝洫成文酈元注水經特多援引賈馬淵雲辭賦蕭統輯文選時有異同藝文志言儀禮之經倒十七篇爲七十律歷志載積黍之數增九十分爲一千孔穎達賈公彥並師古同時人而所据書本各別斯則傳寫失真之明驗也衍文脫字離句辨音三劉於師古注銖較寸

量未嘗少假借焉校古人書義當如是爾乾隆  
四年奉

勅校刊經史於是書尤加詳慎臣照等既與諸臣遍  
蒐館閣所藏數十種及

本朝李光地何焯所校再三讎對積歲彌時凡監  
本脫漏並据慶元舊本補缺訂譌正其舛謬以  
付開雕稍還古人之舊臣召南復奉

勅編爲考證謹採儒先論說關於是書足以暢顏注  
所發明刊三劉所未及者條錄以附於每卷云  
臣召南謹識



原任詹事臣陳浩侍讀學士臣董邦達原任侍  
講學士臣萬承蒼原任庶子臣朱良裘侍讀臣  
齊召南洗馬臣陸宗楷編修臣孫人龍臣李龍  
官原任編修臣吳兆雯臣杭世駿御史臣沈廷  
芳拔貢生臣張本等奉

勅恭校刊